

11

HARVARD COLLEGE LIBRARY  
FROM THE  
HARVARD-YENCHING  
INSTITUTE  
SEP 26 1928

Ohl<sup>T</sup>325.91342.81  
49

雲南府志卷之第十二

人物志一

天之生人原不擇地東北鍾奇西南產異炳炳  
德功昭昭節義達可堪傳窮亦可識惟滇之區  
屬坤之位土德含靈會城先萃頻出名臣屢徵  
大器績在丹書姓鑄瓊字其他瑰偉爭華競粹  
在男稱祥在女表瑞浩氣凌霜丹衷朗燧旣篤  
人倫亦敦古誼立懦廉頑風賢勸智有此懿徽  
宜考宜記別有隱者山林是寄志潔清幽允傳

高致其他方術不能悉備實爾精良例當編次  
善善欲長片美不棄廣為蒐羅用宐有志志人  
物

鄉賢

雲南府

昆明縣附郭

漢

許

淑

善闡人元和中入中國授五經歸教鄉人

蜀漢

孟

琰

朱提人建興三年諸葛孔明南征收用豪傑舉琰仕至輔漢將軍

唐

張志誠

善闡人太和中入都學右軍書法盡得精妙南中士人競從之

元

王昇

字彥高中慶人由大理中慶學正累官曲靖宣慰使文章政事聲名於南詔

張景雲

字天祥中慶人優於理學能文章授登任郎

明

李忠

初名特洪武中選貢入監上特宣見便殿賞賚甚厚賜名忠中應天癸卯鄉試

登進士任陝西鳳翔知縣威惠兼濟有循吏風

張通

字仲宣明經術洪武中任雲南教授講學課士文教大開

尹 棨

字士蓋永樂初由鄉貢任會州教授有文行卒於官

洪 誠

字克敬少厲志行中永樂辛卯解元登成茂進士累官四川順慶知府所至皆

以廉  
明稱

段 鑑

字至明永樂辛卯鄉舉宣德間任四川嘉定知州斷獄如神陞廣東惠州知府

卒於官兩  
地立生祠

李 純

永樂甲午舉人倜儻有知畧正統中官御史巡按遼東邊功累著陞左副都御

史巡撫遼東後改巡撫榆林  
竝有功績邊廷賴之卒於官

張 謙

字抑之宣德初貢入監選授監察御史巡按江西風采稜稜監臨鄉試之役防

維鎮密內外一清後  
陞湖廣副使卒於官

李 灝

字志剛宣德間任交趾道御史持法廉明為總憲器重薦於朝召用之未至卒

李 暢

字時亨宣德丙午舉人任貴州思南知府以惠愛稱

官 廉

字惟清有孝行領宣德己酉鄉薦歷官四川叅議廉明清正頗有賢聲

張 淑

字子善宣德庚戌進士任監察御史陞按察使丰采端肅法紀嚴明

張 英

字時俊事母至孝正統戊午領鄉薦第入太學時祭酒李時勉以直言獲罪

辱逮成均英忿且恥乃同石大用等詣闕請以身代李獲蒙宥各動京師事釋即乞歸養

學士商文毅輅贈以詩居鄉教授生徒  
卒年九十有四黔國武僖公禮重之

趙 誠

字仲實由監生任江西湖口縣知縣溫仁謹厚撫字有方俸滿常遷民赴京請

畱復在九載調四川仁壽縣賢  
聲益著歸老於家閭里敬之

陳安

正統辛酉鄉薦歷官戶部主事品行端方畢生如一鄉里悉推重之

剛正

字守正正統丁卯鄉薦歷官江西建昌府同知廉明有聲乞歸以耕漁自適年

九十而終

施銓

字文衡景泰庚午鄉薦任貴州永從知縣有惠政民祠祀之及歸教授門人多

知名士著有東軒稟

呂

字宜簡景泰丙子鄉薦成化間知湖廣

倉廩賑貸民賴生全者多

趙璧

字蘭完成化壬辰進士歷官郎中太監蔣宗誣奏南科後湖不法事行璧勘理

宗奏璧右科道左遷江西吉安府通判歷四川副使所之多善政後乞歸著茶花譜及詩

文集

李淙泗

字希顏側儻有知畧幼從父應宦彭山成化甲午以宦籍舉於蜀辛丑成進士

授池州府推官以廉能著績陞廣西道監察御史有風裁時馬政多弊淙泗一一肅清之

遷辰沅兵備又調山東僉憲弘治戊午曲阜聖廟災撫臣陳璘疏入命重建俾泗董其事

廟成賜金幣尋陞江西按察司副使會長河等洞賊攻掠麗邑泗出奇設伏屢以捷聞勞

瘁過甚年五十七卒於官廉使張賓副使邵寶布政林泮楊守隅等為文弔之崇祀鄉賢

唐

字成化乙未進士為西曹郎持法不阿右客懷全夜入其門卻之亦不發其事於

人歸田耕於晉吉安貧守正人稱貞頑先生

胡山

字拱辰左衛人舉人任四川榮縣教諭以家貧母老乞歸授徒著書人號卷石

先生

傅澄

字景深成化丁酉舉人任四川中江教諭歲饑捐俸為粥以濟貧民人皆德之公暮年乏嗣至是舉子乃決意歸田後子貴贈如其官祀蜀名宦

李宗儒

字希雍幼穎悟留心理學登成化甲辰進士丁父艱哀毀骨立廬墓三年服闋授刑部主事以平允稱陞本部員外兄宗泗以南台御史入覲同謁楊文忠皆目為令器後卒於官囊無餘物惟退食漫吟遺藁一帙金齒張志淳為銘其墓

夏暹

字景升左衛人成化甲辰進士歷官湖廣叅藩兩任皆有廉名陞苑馬卿值用兵主者以首功歸公卻不受轉廣西左布政卒於任孫較以明經典黔之畢節學三世皆清平

金鏡

任墊江知縣藍賊猖狂有保障功

毛王

字用成幼聰慧刻勵讀書母喜其勤而憂其銳夜每以衣障燈弘治巴西舉於鄉會試不第遂僦居燕市與四方名士講業者十七年乙丑成進士方脩孝宗實錄奉使滇黔訪求遺事稱命授行人考選南京禮科給事中值察典所論劾四千餘人皆洽僉論陞戶科左給事中條上備預諸策皆採納憂歸服闋補吏科數直諫如止巡幸居庸關危詞慷慨武宗動色中貴由烏思藏往還橫索民苦無聊御史林有年論劾得罪下獄上疏極諫得寬旨僅奪俸更切責中貴人長沙李相國東陽嘗日用成吾畏友也大禮議起王同毛純毛澄張元范璉楊慎諸臣跪門哭諫世宗震怒被廷杖者若干人王以六科之首獲罪更甚杖至血肉糜爛未數日卒喪歸燕人白衣號泣相送為文輓之穆宗即位追憫

其忠贈光祿寺卿所存奏議十卷俱切中國  
事王自幼孝繼母釋褐益謙謹至今人稱之  
吳九功 字時序弘治壬子舉人在山東僉事歲  
福皆感泣解散以勞  
葬卒於官立祠祀之

方 矩 弘治癸丑進士除翰林庶吉士改工科  
給事中遷禮科給事中正德中逆瑾擅  
權疏劾瑾遭罷瑾敗復擢山東少叅慎官守  
勤民事賢聲大著後以年老力辭去尋卒子  
方化在四川成都通判聞訃泣血痛  
亡人以爲至性誠孝不愧矩子焉

繆 白 字元素弘治乙卯舉人任成都通判董  
師征蕃嚴戎忘殺攝司李讞獄多雪冤  
抑新都楊文忠公贈之詩時有宋姓者以豪  
俠爲不法白廉得之欲竟其獄直指不可爵  
鬱不樂後陞任麻哈州守以親老乞歸事母  
備盡色養母歿哀毀骨立林臥四十餘年以

盛德稱及卒貧不能殮子  
孫稱貸以葬之今祀鄉賢

張 詡 弘治戊午舉人在南充訓導蜀  
士文章多出指引聲教翕然

王 輔 正德丁卯舉人官四川南部令在任豈  
弟節儉遷建學宮得地形勢而科名應  
捷居心端潔言行不苟人皆稱爲古君子子  
廷臣克遵父訓著孝友聲由龍安二守歸以  
僉舉父子  
同日入祠

胡 廷祿 左衛人正德丁丑進士官南戶部郎中  
與呂涇野鄒東郭講學出爲河南南按察

副使會肅宗南巡渡河殯舟後至逮督撫及  
廷祿俱削籍歸田足跡不至公門以篇什自  
娛顧應祥與公同榜其撫滇數年未嘗一見  
後遷秩去造廬促之不得已而出良久以果  
酒別於家太宰嚴清云予嘗往拜胡公見其  
庭除淨掃燕冠常服竟日無惰容每授餐四

豆而已所著書多散逸楊光祿誅日庚桑深居泄柳閉門城闔如林竹松為伍

施 昱

字子貞廣南衛人舉正德己卯鄉試第一嘉靖丙戌會試第伍授刑部主事陞

員外郎典試山東取士多名雋及陞郎中以議國戚張廷齡獄不稱旨株連落職時已陞陝西僉憲矣家居八年起補貴州僉事威惠並行士民繪像祀之瓦橋驛峻巖夾江甚難涉渡昱設法為巨橋覆以屋又因劾處得當欽賜銀幣值黔中大比錄文犯忌罪監臨御史波及之謫茶陵州州同歷永州通判徽州罷丞丁艱服除補太明府陞湖廣僉事駐承天府百務紛沓昱一意恤民不徇時好雖見忌嫉弗顧也以擒巨寇李邦珍功賜綺幣尋晉光祿寺少卿卒於京昱孝友醇飭所著有禮經疑問藏於家

孫繼魯

字道甫少負奇質書史過目不忘中嘉靖癸未進士授湖廣澧州牧以他事避

權造權作威福繼魯抗之中貴怒證訴密投上怒逮至京執政為之排解罪止調官既免弗謝調黎平府能以德化感格叛苗擢湖廣提學副使每從帖括相士數語盡其生平合若左券晉山西左叅政分守冀南雖宗人不縱法又晉本省按察使宗人數百要於路發其裝惟布袍徹履他無所畜驚曰高皇帝以來罕見此官相與載酒追送之至任益飭法約束舍人子自宗潢以及百姓咸願以任尋晉右副都御史巡撫山西以邊事與總督翁萬達不合為文誓於神慷慨忠義溢於言表因各陳所見交上封事時宰先萬達而後繼魯遂被誣下獄讀易賦詩矢死不折園中無楮以飯盥畫壁與同時得罪御史楊爵者倡和百首名飯盥集知公者百口直之而宰怒不釋竟以疽發卒獄中山西士民哭於長安



者數百穆宗登極贈兵部  
左侍郎諡清愍賜祭葬

**黃鳳翔**

字冲霄與其兄翱少相師友始為諸生時下第作擬錄監臨者見而喚之會觀

風合試兄弟競爽偶刻新碑令暗中索摸之限以五次不待五而依古點畫一一不爽始驚異稱賞屢試不偶至己卯初場為房考所遺及取其表讀之駢麗精絕遂驚喜以薦丙戌成進士為西曹郎尚風節有闈宦盜宮嬪寶簪尚書唐漁石為翔坐主囑翔鞠之乃直窮其狀唐大怒為構禍端遂出守重慶因訊黃總戎事執法不阿為當事忌拂衣歸杜門理舊業所著甚富蜀人簡西學常問楊慎曰黃竹泉平平耳曰如竹泉者海內未易得也

**葉泰**

字兩湖性好學中正德庚辰進士任禮部主事以祖母及母老乞歸養里居十四年娛親講學不入公庭起刑部主事擢光祿丞以忤戚畹左遷廬州推官轉襄陽同知

世宗幸承天百事綜備民不知擾陞工部郎中與御史陳豪辨奏乞致不出鄉里高之

**段纁**

字朝聘嘉靖戊子舉於鄉十上南宮不第益發憤向學在京與周洞巖論慎獨

之旨謂本無寂靜惟動不失常者近是不得分靜存動察為二周遂造訪一時如謝高泉

萬履庵締交訂盟以得見為幸纁高自標植歸田與胡廷祿遊胡雅意詩文纁曰志於道者恥為詩文胡以詩謝之曰小子蹶蹶生往事豈不悵諒哉眾星耀何如一日光胡即其居偏植眾卉曰借此以發生意纁曰生意豈在彼也胡遂悟及胡卒纁誄之曰始待益於外來終取足於天則自是堅臥不出官於真者造廬請見終不可得盱江羅汝芳題其里曰顏巷

**高第**

少孤貧力田文苦嘉靖戊子鄉薦判延安府多治績及歸嚴毅自持至死不變

**夏誥**

字宗典舉明經歷官教授自為諸生即究心聖學然意在化誨愚民故藉淨明

忠孝倡為會而耳食者以淨明二字毀之幾陷於罪幸見雪督學陳善素重之其母死親往弔唁晚益精心性之學學者稱竹牖先生

劉輔

字少隣嘉靖乙未進士任至司徒郎師事商公公首倡贈舉人解額力為懇懇增至五人至今五十餘年兩奉恩詔所增之數不能半乃知公功之遠也子應春明經不仕嗜學積書孫安民中嘉靖戊午鄉試聚於錢安民早卒錢守節育子及孫年八十餘當事疏其節旌之

余應桂

字夢徵嘉靖丁酉舉人幼孤事母至孝報成而民不擾蜀民頌之

理能

有能聲後知南

...

劉體仁

字元卿嘉靖庚子舉人任保寧通判以嚴毅慈惠卓有賢聲卒於官崇祀名宦子文徵頌徵信徵皆科甲屢贈參政祀鄉賢文徵前纂通志不敢作傳滇人常道其事

孫光遠

字紹先嘉靖庚子舉人任順天教授歷國子助教都察院都事以憂南歸遂不出在林臯四十餘年絕跡不入公府惠愛宗族貧之賴周給者若而人陰德深厚人比之叔敖云

張時舉

嘉靖庚子舉人任平陽通判尋歸子繼才著今鹽官一帶海塘皆所規畫而成者

楊秉和

字節甫嘉靖庚子舉人初為臨漳令卻下臺臣以未決和慷慨啓王陳利害還所奪地以歸民時稱才能歷刑部員外援例乞歸

顧天祐

字吉甫嘉靖癸卯舉人任建始令孤城

保障招輯蠻黨綜覈隱占邊鄙寧謐遷保寧別駕捕大盜得其盤踞之窟盜黨密投重賄

八十餘

李茂陽

字三山早喪父事寡母至孝與兄向陽

訪贈之金不受嘉靖癸卯丙午相繼舉於鄉授茂陽四川南充縣諭士類多所成就遷大足知縣縣苦盜初被獲茂陽泣謂曰爾朝廷赤子總因我輩不能撫愛遂至此予千金釋去期年盜風大息會代巡獎薦者再命出查盤以直忤兵巡乞歸終養上民數德其政皆泣送之還里後杜門不出惟養親課子而已所著有歸來園集卒崇祀鄉賢

嚴

清

字直甫後衛人弱冠中嘉靖甲辰進士授富順令丁母憂補邯鄲令皆以廉能

著聲辛亥徵為屯田主事步郎中督建外城及九陵綜覈出入省費巨萬出守保定時廷議舉邊才清與焉歷陞西川右轄綜理樽節蜀庫獨贏穆宗初巡撫貴州復徙四川一切公私費悉從減省奏改金錢當輸京師者二十餘萬就近抵陝西佐邊費定番僧貞額罷有司團操蜀民稱便神宗登極三年再命巡撫貴州條理得宜苗蠻帖服累遷刑部尚書秉公持平屢白冤抑神宗素知清能持受冢鄉時癸未冬計事填委所擯斥雖閭里不少庇而引用嚴穴知名之士寔多無何以勞瘁致疾四上疏乞歸又二年本兵之人上特旨起清於家清力辭疏入上遂回从之乃許萬曆戊子特晉太子少傅歲給廩粟與夫庚寅以疾卒上悼惜之贈太子太保賜祭葬謚恭肅清性檢飭有威儀生平操行尤嚴於取予

辭受居官食簞衣敝與童僕同甘苦及為尚書舊帶敝履無改外藩之日與疾出都遵路河沂大江而行置石輕舟無慚古昔先後里居皆隱於松華別業出則敝車羸馬後進造請惟以治生務學為訓其詩隨意興成有亦王堂集故政府東阿于慎行刻筆塵載清遺事方馮保以罪籍沒得一册於其家定陵披閱皆籍記朝貴往來事及書清無一字以此

知受

楊

經

字子正嘉靖丁未進士出富令入為郎署出守成都惟以平恕為心歸里施藥

餌助婚葬多有隱德仲子同春以孝廉兩令息莘俱有遺愛遷南錦永衛經歷卒於官太

史朱之蕃  
銘其墓

胡鳳來

幼而警敏領嘉靖乙卯鄉薦由長史入郎署出守臨川所在有賢聲崇祀鄉賢

郭

斗

疑獄得真殺人者伏其辜召為南

給事中丁母憂服闋補北垣轉山西按察副使覈郵符寬民力觀察貴州安國享構殺罰粟而止平道塗以利滇黔出入歷浙江左轄致政歸萬歷初再起貴州尋歸田里賦詩作書構小樓於進耳山扁舟往來晏處林泉者十餘年一夕方在吟席忽擲筆於案遂不起

龍

施

字德敷前衛人嘉靖乙卯鄉試第一初任峩峩學諭歷任戶部郎中所在名稱

籍甚陞河東運同以勞老告養家居二十餘年不入公門當事者屢薦不出澹然自樂著書之外制藥濟病親戚有緩急輒捐貲佐之所著有露林蟬嘯心濟醫宗歸田百韻田園雜興集字和韻林臯漫興艷書集韻吟豪諸書及卒祀鄉賢

張

橋

字衡如嘉靖己未進士授水部主政管南旺河閘刻意河防運道不滯事竣還

京擢寧夏兵備僉司急葺邊牆重罰剝軍者  
西賊爲之遠避尋以浮議罷歸精心墳典自  
六經子史旁及真詮釋典稗官野史靡不研  
究天才卓邁萬言騰湧有梅花懷井諸詩鄉  
人傳誦尤精書法  
得其隻字爭寶之

**錢**

經 嵩明訓導師範端方樂育多士歸教子  
孫世經周易鄉飲十七次舉推上賓壽

九十六  
而終

**王**

制 隆慶丁卯舉人任思南府推官代隄守  
入覲凡資費皆取諸其家後擢御史再

轉韶州僉事晉少叅能自標植操守  
清潔比歸好義歲歉賑饑鄉里德之

**嚴思恭**

中隆慶庚午舉人以教授遷日照令擢  
膠州守歷長沙丞延安太守本省觀察  
御史南北隄邑皆有治聲及在邊鄙獎率將  
士特稱才能後引年歸以先世在長水因南

遊省其祖墓至長沙  
舊民攀留者遮道

**孫繼先**

字志顯隆慶庚午鄉薦居喪謹守禮度  
筮仕興化教諭輕財愛士遷陀陵知縣

奉檄紀驗賦嵩招降賊屬三百人重蒙賜金  
再遷土石西知州州爲故思明黃僚竊據弘  
治時始討之叙其印付流官仍以其地轄於  
蠻州治荒僻流官視爲畏途率寄妻孥於太  
平府歲一履其地繼先始攜家居之闢蕪新  
政著有賢績事載粵西通志中洎遷承天同  
知築堤救荒後因事左遷荆王長史晉中順  
大夫歸以古禮倡邑人冠婚喪祭一軌於制  
見人服食華美常日攝之人憚其  
嚴有易服而見者稱篤信之儒云

**王希堯**

字惟中有篤行萬曆己卯舉人就教竹  
山陞鍾祥縣令捐繁苛與諸徭休息幕  
府嘉其尤異調藤縣在官以寔心定政惠及  
閭閻後親老力請歸養侍寢食者十年每歲

終以錢米濟鄉黨  
貧乏今祀鄉賢

朱運昌

字際之萬曆庚辰進士為廷評薦更比部讞獄西川錄囚治罪悉當遷大叅分

守川西條上錢穀畫一之制風行三川屢遷福建左布政使中貴人啣命出稅多所阻抑中貴人欲陷之乃上書乞歸即日登舟當事挽留不得方抵里神宗特僉為右僉都御史巡撫福建凡關疆場及生民吏治者所司未及狀達已被符令處分監司而下咸驚以為神奉法惟謹撫閩前後幾年朝廷嘉其功待以異數盡瘁國事尋卒於官賜諭祭

劉文徵


字又吾登萬曆癸未進士歷任紹興知府考清廉第一民有漢明二劉之謠官


至太僕卿致仕歸里禮教甚嚴著作多

其子崇此亦賢

其子崇此亦賢

[Faint bleed-through text from the reverse side of the page]







華

山

字記鎮食廩激江領弘治己酉鄉薦貧而孝義拾金還人毫無德色及任蘓州教授捐俸助貧訓士有方羣賢佩德歸里謙慎端直教子成名僉憲文公表其門日郎官第一嘉靖三十二年知縣吳端本詳請兩院崇祀鄉賢

○羅次縣

明

李悉達

品行端方鄉里推重領天啟甲子鄉薦歷任四川夔州知府多惠政治稱卓越流賊陷城死之士民呈請入祀鄉賢

○晉寧州

明

朱克瀛

字孔淵號清菴幼穎悟博學能文尤工於詩登景泰癸酉舉人任直隸定州訓

導辭歸養毋行誼端謹為後學楷模有清菴集行於世子鳳領成化甲午鄉薦任忠州學

正課士有方一切脩脯弗計陞四川安縣知縣尋告歸終養娛志林泉所著有東湖詩集

黃敏才

字性之孝友慈愛恬靜自適領正德癸酉鄉薦甲戌會試副榜初授順天訓導

再補烏程分較楚粵鄉試歷知解州陞九江同知皆有異政撫按交薦陞左軍都督經歷

時方議征交趾敏才董理軍需供應不匱擢石阡知府以督餉勞瘁卒於途仲子明良扶

襯歸囊中惟有書籍數卷而已士民請祀鄉賢九江崇祀名宦

唐

金

字子南嘉靖戊子鄉薦負性淳樸持已端方任辰淮二府通判陞永寧知州邵

武同知歷官四省竝著清操致仕歸敦睦宗族讓產分金賑貧助葬絕口不言人過足跡

不至公門楚謁俱祀名宦

萬曆十七年崇祀鄉賢

徐朝綱

字肅菴萬曆庚子鄉薦任貴州安順推官時安酋作亂綱堅城誓守及城陷罵

賊殞身當事者題請褒卹部議朝綱丹心貫日浩氣長虹兵餉夙虛止仗赤身禦敵救援

交絕尤驅黔首同仇身雖縛而吾舌尚存軀可捐而印章難與准褒卹磨一子錦衣備千

戶崇禎五年祀鄉賢

○呈貢縣

明

李春

中宣德丙午鄉試任浙江嵎縣知縣才幹明敏當道獎薦擢監察御史未任卒

陳淳

字唯素弘治辛酉舉人江南太平府通判能折疑獄下無冤民善政及人民為

建祠刻像奉祀值滇變亂卽挂冠歸以詩自娛不事產業督學吳鵬教諸士曰學師當以陳爲法總督伍文定建節時造其廬給諫傅良弼稱其未仕則富旣仕而貧嚴於義利明於出處至今鄉人言者舊必稱陳澹齋先生云

陳常道

字子中食廩本府領正德己卯鄉薦任涪州學正癸嘉靖丙戌進士授富順尹捐鹽課救荒民等陞主政疏請終養服闋補陞常德府屢辨疑獄運麻陽兵餉有功陞建昌兵憲乞歸建義橋值義田杜門靜習手錄薛西園集叅解多所獨得涪州常德俱崇祀

名宦

石銀

嘉靖庚子舉人令合江縣遷隴州知州所至以豈弟拊循其民而懇直不阿左遷韓府長史隴之父老請闕上章言願借公數年及歸秦民踵門求出者甚衆銀終不應

隱於大漁村自食其力薄田敝廬之外無所有也崇祀隴川名宦

張薰

字伯舜舊歸化縣人萬曆丙子鄉薦掌教中州是時蒲坂楊俊明爲督學稱賞其詩謂其人與文不概見後優選六館國師改歷大理司務平曹郎獄無大小靡不稱平奉命讞囚三川多所寬雪與直指使相左遂罷歸崇祀鄉賢

文祖堯

字心傳別字介石以天啓辛酉選貢任江南太倉州學正德性中和操履嚴正謀根本學不事紛華刊儒學日程頒示諸生日書善過朔望考其進退婁中人士文行並起者公教之有方也甲申棄官隱蕭寺講學三吳賢士大夫爭相延致咸推重之後還鄉卒於道婁人聞訃哀痛逾切構思賢廬祀之有離憂集歲會講意諸書行世

○安寧州

唐

王仁求

任河東州刺史平北民恩義兼濟

王善保

仁求子以雲麾將軍持節河東有治績

明

楊靖

字子安初授主事尋陞郎中蒞政有聲持躬無玷

張壽

字伯齡永樂甲午鄉試第一任儒官所至教有賢聲祭酒李時勉翰林孔文諒

皆有嘉言贈之

楊景

永樂癸卯舉人初判霸州尋改澧州治理有奇才多陰德秩滿擢化州州同魯峒彝亂攻城守將縋城遁兵民不滿三百景激以大義盡力堅守以倉木蔽城缺又縛藁

楊益

字用謙永樂間以貢入太學先是成祖夜夢赤龍扈從若扶掖之狀次日視朝人披衣甲置城上有三人緣堞登城擒斬以狗賊引去都督歐信贈景守忠二字而律守將以法天順庚辰以老致仕官貧鄉遠不能歸因占籍巴陵以子太傅一清貴贈如其官

畢徧察羣臣無朱衣者益時以國子生隨朝因天寒著赤氈衣於公服內上見大悅欲以卿貳用之冢臣謂分非宜遂授兵科給事中歷陞工科左右給事中上常詔入對奕以手撫之恩遇特盛泊仁宣二朝乃出守漢中又調成都守多惠政告歸卒祀鄉賢

楊一清

字應寧號石淙薦奇童為翰林秀才舉順天辛卯鄉試登成化壬辰進士歷官

右副都御史督理茶馬鹽政條上事宜多所匡濟比巡陝西脩復花馬池諸要害亭障固原警單騎馳至瓦停會主帥曹雄設伏備禦隨奉勅總制三邊經畧河套條陳脩築增設

防禦六事皆為劉瑾所格罷歸會安化王反於寧夏起用乃謂監軍張永曰寧夏事旦暮且有捷音但內變不測為可慮耳已而擒賊報果至張永驚服乃請竟內變之說一清取永手畫瑾字永悚息不敢任一清又密授永策永一一如其言武宗乃收瑾戮之因詔為戶部尚書加太子太保尋改吏部累至少傅入內閣常因災異自劾言時事失宜朱寧等疾之乃謝病致仕嘉靖乙酉復起兵部尚書總督陝西冬詔還內閣世宗待以腹心以大禮議不合致仕尋削籍二十八年贈太傅諡文襄一清嘗自謂生於滇南長於湖南老於江南故晚號三南居士卜籍於京口丁卯橋猶不忘石淙因以為號李孟陽為之記稱其功著邊徼名

顯社稷云

朱尹

號朗亭正德庚午舉人初授崑山學諭陞國子監助教聲傾六館守巴州豈弟

宜民多善政歸里澹然有逸民風祀鄉賢巴郡祀名宦

張素

字季文生而穎異貌奇偉登嘉靖癸未進士歷官湖廣兵備出方畧平賊尋陞四川巡撫復著軍功奉勅屢賜金帛及告老歸家無餘貲恬靜自如高潔其品

張燭

號旭峯博洽工文尤精書法持重有雅量領嘉靖丙午鄉薦歷任長蘆鹽運司運同有治績兩蒙賜金及歸條革里甲夫馬均平差糧鄉人德之著有日知集行世

傅九章

號龍山以選貢任景東府教授誠篤相先訓課有法諸生莫不相觀而善居鄉極其謙和終身無二色壽登九十祀鄉賢

朱運夙

字祚昌隆慶元年恩貢初任陽成府通判陞提舉請告歸居鄉不輕入公門不干預時事不置田宅澹泊寧靜人至今稱之子組纓貢士不任以理學名

羅大器

號蒼岳萬曆壬午舉人任山海通判防  
邊守國勤政愛民前後薦剡十上權貴  
忌之罷歸士民攀轅載道若鄉二十餘年復  
起歷陞岳州知府丁繼母艱歸謙和接物絕  
跡公門官司鄉  
黨雅意推重

朱化孚

號岱晟萬曆壬辰進士初授行人主試  
黔省所得旨名士擢兵曹嚴正有聲掌  
武選條選法六事擢選有法成遣有籍併序  
有例援納有禁後無能變其法者隨有銀夏  
之擢清賦役警  
嫉斥至參黔藩止營兵之亂  
司臬楚中刑不濫用歸里乃結詩社自與親  
故為文會飲講學間里所著  
有賁幽吟陽城紀勝行於世

楊

鳳

字明禎萬曆甲午舉人仕蜀順慶別駕  
攝府事賑饑民全活甚衆陞刺海州築  
堤障潮以通鹽船歲省運費累鉅萬青玄饑  
民徙海拯活者七十餘萬招集流亡千餘給

種復業開墾三百餘頃報陞南康海人遮道  
留之治海十一年薦揚者二十九紀錄者七  
又捐餉四千餘緡免民加派會布按交剡卓  
異擢加四品服俸二守太原多著異政尋遷  
順慶太守值奢會變練兵助餉賊不敢窺入  
覲晉黔憲引疾歸以蜀功進階鳳為人岳峙  
淵渟不妄言笑喜怒弗形鄉人皆服其德黔  
國公以師禮延之堅臥不出結舍葱山之畔  
後卒崇  
祀鄉賢

楊師程

字道南萬曆戊戌進士任湘陰令多善  
政報最拜御史獻納糾彈悉中時事按  
部河東清課愛商豁稅十餘萬條議十上咸  
奉俞旨母既髦三請終養未允而訃至號泣  
抵廬未幾卒師程慷慨有大志言論英發文  
章事業炳耀當時天下莫不知其直節敢言  
所著有疏草  
行世祀鄉賢

趙日亨

號貞所萬曆辛丑進士由太常選御史

抗疏調畫不阿山東歲饑民亂劫東平章丘

諸邑享奉命巡按請捐賑撫綏底定時有監

司恃貴戚行不法亨劾之忤權貴外轉川南

兵憲值奢會叛招募死士斬叛首黃光輝解

省城圍晉秩賜金卹雅皆有祠祀之會以病

請歸門人張星日師勲已勒岷峨樞撫在旦

晚間何遠言歸也亨日年來中外任事者皆

植黨營私大亂將作愧匡濟之無力其肯逐

世俗為浮沉乎遂決意不仕著

蕝歌樓集崇禎丙子崇祀鄉賢

陳璽

字太籙號石寶幼穎俊稱神童十三補

弟子員督學陳應春器重之弱冠聯捷

辛未進士初任維揚教授調國子監博士陞

禮部主事尋陞員外出為辰沅兵備時流寇

剽掠璽擒獲嚴訊正以法律湖南稍靖丁艱

歸隱丘壑短衫藤杖混迹市廛埋名終老死

○祿豐縣

之日貧不能殮刺史丘公及其門人三泊令張在澤捐助葬送同諧大司徒王公往弔見其家貧為嘆息稱有德有守云

明

李淪

歲貢嘉靖二十一年任教職士林資益居鄉不逐浮靡方伯陳善亟稱許之

王錫衮

字仲山天啓壬戌進士累官至詹事府正詹故卜二次後予告歸里沙逆之亂

起義討賊不克被執不屈遇害事蹟詳人事考

○昆陽州

明

李資坤

字伯生自幼以孝友聞登正德癸酉鄉薦令宜城嘉定二縣擢南京刑部郎出

為銅仁知府開渠堰均田賦撫平寇亂卓有賢聲考天下廉吏第一士民感其德為建生祠比歸躬任義塾不謁公府性剛介寡合言動以禮老而彌篤集書萬餘卷自號一蠹居士督學陳善請祀鄉賢

所任黜邑皆崇祀名宦

陳璉

號草庭嘉靖甲子舉人任德陽縣教諭學問淵博訓士多方及歸閉戶課子耿

介自若絕迹公門巡撫敖公宗慶徒步訪之踰垣而避鄉人咸服其高為不可及卒崇祀

鄉賢

李聞馨

字德華號樸齋萬曆癸酉舉人授四川新繁縣令才品卓越豈弟宜民奉檄覈

倉儲積弊盡剔上官以私情撓之馨執法不顧陞茂州守多惠政致仕歸里有鄉兵恒告

征調馨為白於右轄去其籍其行事類多如此崇祀鄉賢

李兆旂

字士聘號三辰為諸生時以學著聞由明經任廬江訓導持躬清介率士端方

崇禎七年署縣篆除弊雪獄興學勸農士民服悅八年流寇圍廬江督士民死守之攻急

城陷被執不屈罵賊死幼子淳同死督學邵名世為立靖忠祠知州趙元會為立碧葬祠

各憲旌其忠節具題入祀鄉賢

○易門縣

明

李俊

舉人仕至湖廣滋陽知縣其澹泊清風穆然婦子不能給

潘鳳麟

歲貢四川宜賓訓導由養母與兄同居歲荒作粥以食鄉人之饑者全活甚眾



高明州

明

劉

顯

成化丙子舉人任內江教諭造士多

羅

江

字孔殷性英敏弱冠登正德甲戌進士授建昌府推官清操亮節遇暴鋤強卒

於官士民為祀各宦

周

棊

字公輔領嘉靖丁酉鄉薦選新蔡諭攝汝陽邑篆救荒全活者衆尋陞廬山彭

縣有惠政八名宦本州崇祀鄉賢

楊

均

字子重高明人少孤刻志文學嘉靖己酉鄉試第一上疏請築州城至今賴之

官永安州知州苦節自甘卒於官囊無餘積永人立廟於江上祀之

朱朝冠

字懋儀嘉靖壬子鄉薦由涪州學正為汝州尹陞漢中府通判督兵征何勉既

捷賊有內應舉火焚營朝冠遇害祀鄉賢

段師文

幼敏慎為學好義有孝行中萬曆丙午鄉試授四川成都府通判居官廉明不受

私謁陞本府同知時奢賊犯成都思文統兵三千直入雙林渠魁授首以軍功晉四川監軍道提督五衛學政加意作人陞貴州按察使執法不私晉廣西左布政致仕家居恬澹好施與置義學義田義塚至今族里猶感德之崇祀鄉賢

雲南府志卷之第十三

人物志二

忠烈

雲南府

昆明縣附郭

元

仁通

雲南省理問廉訪副使朶兒赤之子大曆二年三月雲南諸王與萬戶伯忽等

叛仁通率官軍抗之歿於陣

馮文舉

四川什邡人初舉鄉試授漢州學正達魯花赤燕僚佐以一手致酒舉不受隱去次科登進士第仕雲南儒學提舉至元間明王珍攻雲南城將陷文舉謂其妻馬氏曰

某受國恩愧不能退賊今有死而已爾光州馬中丞孫女也其從之乎馬曰夫以義忘妾生何益遂焚香北拜俱縊於學宮

**驢兒達德**

為雲南行省右丞初達里麻既敗梁王聞之與其母嘉僖妻忽的斤等百餘人乘舟趨昆明池謂驢兒等曰我宗室無降理仰藥死妻子皆死之驢兒達德既進毒於王亦皆自殺妻子從死者二百餘人

明

**徐**

**樾**

字子直江西貴谿人任左布政使嘉靖間元江那鑑叛尋詐降樾臣以大吏往撫樾行被殺贈光祿卿

**張**

**澤**

字義甫江南桐城人由選貢初任廣安州知州嘉靖間以治行卓異擢雲南僉

臬後督兵討鳳繼祖敗績被執罵賊而死贈光祿寺少卿

**程世勳**

後衛百戶嘉靖四十五年官兵討鳳繼祖世勳奉檄護餉至金沙江因令督偏

師出哨至波羅結堡陡值賊眾力戰死

**程**

**坤**

昆明人以武進士為幕府贊畫天啟間陞四川總兵中軍會西路梗絕坤率兵

赴援至畢節城陷被執不屈而死月餘精英屢見時聞陰風中有為厲鬼殺賊之語

**周嘉映**

字伏龍雲南中衛人天啟間以武舉署霑平守備值霑益諸彝多不測時正發

兵援蜀映以密書告變謂蘭州之患遠在千里霑益之憂近在目前宜密為之備語洩諸

彝皆恨之後從參將尹啟易討賊馬躡為賊所害

**周二南**

字汝為隴人天啟間選貢授長沙府判超陞岳州知府士民遮留不得行改陞

本府知府闖賊犯瀏陽南率兵剿禦鏖戰竟  
日後軍不繼遂死於陣事聞贈太僕寺卿祀  
忠烈祠瘞  
子入監

**朱永吉**

字飛之廣西桂林人精天文術數初客  
黔投傅宗龍幕中安邦彥圍黔永吉解

圍有功後隨宗龍至滇崇禎間滇巡撫王伉  
討晉名聲題授遊擊屢破賊衆為名聲所憚  
後因吾必奎通賊永吉身被重傷力戰不已  
會諸軍皆潰自刎死偏將趙能馮忠葬於路  
側趙能亦自刎事平題  
請瘞一子世襲百戶

**周世昌**

四川內江人崇禎初在雲南右布政使  
土賊晉名聲叛巡撫王伉疏請會剿令

世昌監軍會巡撫被勸糧餉不  
繼及監紀知縣王信皆被殺

**羅國巘**

宜賓人順治丙戌年任雲南巡按沙定  
洲陷省城不為屈行法自如流寇至國

巘巡視被執至  
省縱火自焚死

**陳禎**

指揮應襲順治丙戌年沙賊  
略城巷戰力殺數人而死

**朱壽鏞**

明宗室山東兗州人崇禎末以部院徵  
兵雲南孫可望至曲靖被執不屈械繫

二十餘日強以官復大罵不食可望殺之題  
詩於壁云丈夫勁骨傲千秋青史丹心一片  
留金碧有隣隨我化江山多故倩誰收煙塵  
已暗中原路風雨仍翻徹夜愁寧使忠魂歸  
見帝肯教含垢對深  
讐與僕三人同遇害

本朝

**高顯辰**

直隸灤州人康熙九年任雲南府知府  
立品剛方蒞治嚴核胥吏不敢肆其奸

吳逆叛抗節不從遂杖於市戌永昌衛服壽  
以死事聞贈太僕寺卿瘞一子入監讀書同

知劉崑江西南昌人峻厲公忠不阿吳逆與顯辰同日受杖戍騰衝

衛事平奉

旨仍以原官補用

○富民縣無

○宜良縣無

○羅次縣無

○晉寧州無

○呈貢縣

明

王

信

四川宜賓人崇禎間任知縣七酋會名聲叛鎮撫令信為監軍敗績罵賊而死

事聞予

贈廕

夏祖訓

浙江嘉興人崇禎間任知縣流寇入滇祖訓率眾固守城破被執不屈而死

○安寧州無

○祿豐縣

明

蘓夢暘

萬曆三十五年任知縣時鄭舉等叛從武定寇祿豐夢暘率民兵力戰至元旦

方朝服祝釐賊眾擁至被執不屈死之男萬民為父上疏奉

旨贈光祿寺少卿

廕子立祀

唐俊德

鄉紳

周之麟 庠生

陳宰 百戶

李印 土官

俱邑人萬曆三十五年鳳賊攻掠縣治俊德等立戰被殺有司具題崇祀於忠烈祠

○昆陽州

明

冷陽春

貴州石阡人由舉人崇禎間任知州丰儀偉壯吏治和平流寇入滇偕民兵守城與賊抗戰死之

○易門縣

本朝

胡邦靖

江西安福人由舉人康熙三年任知縣土酋王耀祖叛破縣城被執不屈死之

○嵩明州

明

龍旌

趙州人舉明經萬曆間為嵩明州學正賊攻州城旌倡大義效死不去比城陷被執罵賊而死詔贈國子監博士

韋宗孝

萬曆三十年任本州吏目楊禮等攻嵩明城陷宗孝闔門死之詔贈本州同知

廕一子入

監讀書

雲南府志卷之第十三

人物志 三

孝義

雲南府 昆明縣附郭

元

楊立義

中慶人任騰衝府同知事親至孝親沒負土成墳奉詔旌表

明

段澍

洪武丁丑進士事親至孝以監察御史就養改姚安府教授

熊信

字以成宣德間孝廉授禮部主事尋改兵部乞歸終養杜門謝客足跡不踐公

門母歿絕意仕  
宦孝子祠祀之

方

玘 字公佩後衛指揮使弱冠時得遺金訪  
其人還之景泰末年歲饑流離載道玘

傾庾賑濟死者葬之卒年  
三十二妻曹氏以節稱

周良卿

右衛人父母皆年逾六十生四子長為  
千戶早逝三子意欲均養良卿泣日兄

亡侄孤二弟涼薄奉養不繼誰之罪也乃躬  
事甘旨不衰母病湯藥親嘗迨歿事之如存

楊世麒

字明徵右衛人補弟子員事母最孝母  
卒哀毀欲絕至喪明後當貢期竟不能

赴任

傅良弼

澄之子正德甲戌進士任吏科給事中  
以生母在堂求終養好施予每遇寒食

親故絕嗣者皆具牲酒  
奠其墓入滇孝子祠

孟富

號漁溪少力學嘉靖間母亡父老遂不  
應制舉承顏之暇刻意苦吟親終廬墓

子養浩舉明經能繼父志輯父遺藁名曰漁  
溪集脩撰楊慎為之評隲中憲曾喚都諫張

鳴皆為  
之序

段有學

字可仕嘉靖癸卯舉於鄉以母老終養  
二十年不仕母卒廬墓盡哀後授中江

知縣陞寶慶府  
同知皆有賢聲

宋應時

父死刺血雜土塑父像以祀廬於墓及  
應時妻死子文學負土成墳亦廬於墓

偶野火將及拜風而火息又值羣賊剽掠重  
其孝義餽以豚米不納子孫化之世以孝稱

甘旨

字汝孝性恬淡樂善好施邑中貧乏者  
多所周濟壬戌邊餉匱乏詔天下咸得

輸粟助邊旨與焉授以官弗受庚戌滇饑復  
出粟餽民全活甚眾有司上其事欲旌之亦



力辭優游山水以終其身

畢

事親至孝嘗入蜀過鄆都縣得遺金不取鄉人貧而貸者焚其券不責償

施汝翼

昆明人昱之子登嘉靖乙卯鄉薦天性篤誠親沒廬墓有芝草之瑞賑貧乏返

遺金後計偕卒於途孫堯化成進士官吏部郎

李堯相

善事親撫幼弟堯卿於襁負中卿亦感之敬兄嫂如父母一門藹然鄉閭生慕

陳履厚

父宦京師厚從之父卒哀毀骨立先達謂滅性非禮乃強進粥扶襯還里遇風

雨泥淖號泣而行濡足泥中未嘗少避至龍里遭安賊之變賊擁至焚其柩厚兩手抱棺

抵賊聲色哀厲賊以戈擊之死於柩側黔中侯侍御以其事聞

竇雙桂

五歲而孤家貧好學博通經史事孀母以孝撫幼侄以義撫按督學旌表之

周作樂

萬曆壬午科舉人初任四川巴縣知縣政事廉平循聲不著撫按交章薦之隨

陞山西澤州知州澤為晉繁劇艱樂才力綜核百事辦舉晉戶部員外郎再陞工部郎中

會計營繕有條出為四川遵義府知府所在以仁孝感人不肆刑威遵人愛而化之毋閔

氏年老請歸色養備至母卒廬墓三年服闋撫按屢起不出以詩文山水終老焉

王來儀

字仲威希堯長子登萬曆庚子鄉薦庚戌會試擬元以五策平頭不錄主司深

惜之任吳縣學博獎拔寒士陞湖廣嘉魚知縣性介直不媚上官上官啣之以捕盜事中

傷歸里日以詩文自娛甲申聞變門人王錫衮有督師之任諭以忠義泣而勉之丁亥流

寇入滇罵賊而死著有晴陞集

林春茂

少失父事母以孝聞親歿廬墓三年寢苦枕塊哀毀泣血屢奉旌獎

劉

撫

崇禎癸酉舉人歷任戶部主事為闖賊所執三木橫加折一足未死歸至滇流寇使人招之授以督學撫曰京師不死已無面目見先皇豈復為流賊官耶大罵而死

周宗德

庠生美鬚髯善擊射明敏慷慨黔國公以國士待之授副將職仍以醫術濟人

事父紹軒母王氏以孝聞教育諸弟侄有成凡衣食生產無一不周給當道旌曰孝行可嘉

沐天澤

黔國公天波弟任都使司乙酉沙賊叛率兵巷戰被執不屈殺於南門日月營沐鎮裨將沙賊陷城人無鬪志遷意在糾眾援剿莫有應者遷知事不可為合

徐高遷

家閉門自焚死

楊永言

崇禎癸未進士授崑山縣知縣嚴剔里甲積弊卓有治聲值寇破城巷戰而死

李

媛以武舉授贊畫守備屢著戰功陞貴州都使司軍民泮眼瞻畧偉雄

黃恩

右衛百戶沙逆陷城之日率家丁數人巷戰連殺數賊終以賊眾不勝死

陳爰詢

崇禎庚辰歲貢分訓南溪待士忠恕時流寇亂蜀詢力陳防禦之策撫軍陳推

車之委署馬湖屏山縣策及賊寇馬湖詢走烏蒙乞兵救援馬湖恢復總督樊奇其才以

功授本府推官復傾囊募士軍聲大振未幾敘府失機馬湖復陷詢率眾誓死以報國恩

至中途心忽大痛厲聲曰吾生不能滅賊矣死將訴之上帝陰擊之語未竟墜馬卒土人

為具棺殮之丁未其子始迎襯歸葬

溫如孔

崇禎戊辰武進士善騎射有大志任貴州鎮西衛守備苗叛官兵相持半載不

下孔領健卒進剿殺賊建功陞臨元叅將尋擢貴陽副將沙酋之叛提兵援滇於盤江對

壘十月及後流寇入滇義不見賊隱居深山以壽終

楊

斌

字用予崇禎辛未武進士初授貴州思石守備綏兵緝卒邊境肅清水西安會

作叛斌單騎入賊壘諭以利害賊為感化陞

四川漳臘遊擊未任隨轉雅黎副將撫鎮會

題代黔國統兵入衛至貴州安南撲滅苗賊

生擒賊首張友等十二名解總制正法適滇

武定吾必奎叛黔國飛檄調回征平之後隨

乞致仕奉旨起為右軍都督同知不出了亥

四月流寇入滇義不從賊歸耕隴畝以壽終

陳爰謀

原任知府致仕家居沙賊破城逼欲用之不屈而死

周宗仁

廩生醇厚孝友事母能養志兄罹難則變產贖之弟廷試捐金以助生平多陰

德有譽望按院旌之日

孝子悌弟歲給作養

郭

崧

歲貢生任楚雄訓導乙酉沙賊叛崧與參議楊畏知首倡大義建策守城時賊

攻楚雄其妻葛氏曰我先死勿致君累庶可

盡心為國遂投井死及流寇入滇崧毅然赴

省陳說匡明大義寇義而縱之至楚雄奉楊

參議畏知檄往各府調兵畏知與流寇戰於

獅子口兵敗崧孤守大理孫可望

望兵至崧以言忤觸被杖死

蔣

薦

前衛百戶聞流寇至滇夫妻子婦俱自縊死一時諸侄子女及奴婢感激同死

者七人存一子名

以惠付其姑撫之

劉昌應

右衛人武進士任法古甸參將流寇入滇倡義起兵屢戰不克為偽總兵王克

明所執孫可望欲活

之應不為屈遇害

向

琪

左衛百戶聞流寇至宜良義不欲生合家治酒飲畢男婦主僕十六口皆縊死

劉惟馨

癸卯舉人任陝西鄜州知州值流寇猖獗圍城馨拒守不旬日內應城陷馨著

衣冠坐敵樓上大  
罵賊亂刺而死

施於京 洋生有大志丁亥流寇將至撫膺嘆曰  
吾祖若父世受國恩願以死報及城潰

與妻子闔門  
舉火自焚死

向宸 官百戶丁亥年流寇入城  
義不從賊闔門自焚死

陳大經 號爾至少穎悟喜讀書慷慨有大志善  
騎射以材畧兩舉鄉試嘗曰大丈夫當

建功績徒碌碌何為益揣摩韜鈴家言時黔  
國公聞其賢延與計事吳必奎叛大經典大

西門城守事其防範沙逆動中機宜屢為于  
錫朋沮抑及沐天波出亡叩馬進日待大經

殺賊不勝公行未晚也錫朋與沐天波  
倉皇抽刃殺大經而去聞者莫不流涕

畢大顯 萬曆年歲貢生天性純孝事親能養志  
兄當赴試貧不能往顯即相金五十助

之教第二人遊泮各為婚冠甚愜親心學道  
黃具詳旌匾曰孝宗會閔卒入祀孝子祠

本朝

薛大觀 字爾望與子之翰俱有才名順治十五  
年雲南潰兵肆掠義不受污舉家至城

北龍泉觀置酒亭上慷慨賦詩妻女皆誓同  
死時有奴僕在傍大觀以所積白金分授之

令其別往奴僕哭曰主人死我輩豈忍獨生  
以金擲水中遂相率赴龍潭死數日屍浮水

面闔家七人皆牽聚一處布政使彭而述為  
賦龍潭曲按察使許弘勳懸額水亭以表之

單武襄 歲貢生順治十五年遇潰兵武襄闔  
門舉火自焚書於門曰一門完節

楊樹烈 任四川南川縣令致仕歸介直尚義及  
鼎革後滇城潰兵屠掠舉家倉皇奔避

烈獨居家置香案著衣冠北面再拜縊死逾  
月家人還視面色如生人以為忠義所致

寇覲明

歲貢生任永昌訓導順治十六年永昌城破明調子緒萊曰為臣盡忠為子盡孝吾受國恩義難苟免潛至北門外束冠帶自縊死

楊衍慶

性孝謹父端常出貿易祖母久病慶躬奉不衰順治十五年大師入滇流寇潰兵肆掠慶負母隨父避之為潰兵所掠慶迫救并遭拷執索杖俱斷驚而釋之父病省視湯藥嘗糞滌器康熙五年撫院袁懋功檄學道何起鵬給衣頂匾額旌之

施逢泰

事親至孝傭工以養康熙二十年大於姚安方山置胡國柱兵劫執其父泰憤甚躍出罵賊賊擊殺之泰死羣賊悔而釋其父

竇觀光

字景儀貢生少穎敏以才學名立品端方處家孝友生平好善樂施凡比閭族黨中有婚喪疾貧不能應辦者光必捐力相助遇人無論賢愚老少悉以善勸勉之雖老

不倦以故鄉人感其德卒之日哀哭滿道康熙三十三年詳請入孝義

○富民縣

明

劉連璧

庠生家貧篤孝凡死無主及孤獨有疾者悉殮痊濟藥其他隱德不令人知

李開芳

貢生沙賊破城妻張氏同二子先投井死芳同生員王朝賀至松花壩各縊死

○宜良縣

明

王璽

事母至孝登弘治壬子鄉薦授合山教諭母卒廬墓後歷官涪州守不忘少慕

本朝

李先芳 江頭村人性倜儻順治十五年冬賊兵潰敗大肆劫掠芳知不免乃閉戶積薪

同母李氏妻安氏弟婦董氏史氏楊氏侄壽祿竝侄女等舉火自焚而死

柳 邠 字仲魯邑增生其祖光禮中明崇禎丙子鄉試任新暨縣令國初改授武城知

縣卒於官時南北音問不通三子繼歿康熙丙寅訃音至邠日夜號哭急往迎葬家貧無

貲賣屋得金徒步數千里奉祖骸歸邑令高士朗嘉其義申詳各憲學道吳自肅給匾曰

孝行可風

○羅次縣

明

劉繹慶 官衛指揮聞流寇至義不欲生痛哭數日不食而死

○晉寧州

明

王 護 正統間輸粟賑濟詔表其門

唐 柱 字朝相少隨父至京師見父所友皆天下士雅自奮勵歸而受業於朱清庵之

門朱奇其才以女妻之弘治壬子舉於鄉入太學文死聞訃哀號奔走萬里水漿不入口

者三日淚盡嘔血而死妻朱氏有節操子錡列科日

段伯美 崇禎壬午舉人流賊圍城美率諸生余繼善耿希哲竭力抗守城陷不屈而死

○呈貢縣

明

劉鼎新 為諸生時慷慨好義鳳克之變邑中亂民帖然歲歉常減價出糶後中已酉舉人任四川雙流縣知縣奢貢亂起令民婦女老弱匿他所獨與丁壯居守賊至開門誘入手刃二賊出伏兵擊之賊死者甚眾屢攻不克遂督鄉兵援省城賊望旗避之省圍解功陞敘州府同知監兵攻蘭州斬渠魁魯仲賢以勞瘁卒於嘉州

○安寧州

明

傅以恭

字默庵嘉靖甲子歲貢授四川興文縣訓導未幾告歸有緝紳遣使致書餽贐甚厚以恭受書反餽家居捐貲救患周恤蜀祀名宦

趙

禧

字念庭嘉靖甲子歲貢授教諭造士以德行為先積穀歲饑率以賑貧有貸者悉焚其券及歿人爭償之

張

翥

屏生父沒廬墓三年有紫芝馴兔之異萬曆間具題旌表號方塘萬曆間以異才授山東鄒平丞告養歸田絕意仕進舉外姑之喪歸焚

羅廷寶

次之旅施棺掩骨陰德過人壽九十一而終

楊恩選

任成都衛經歷幼有志性每得蔗菓必以奉親不敢先嘗萬曆庚子父宗學病甚醫藥罔效夜拜北辰求以身代如是四十九日夜夢神告曰汝父疾不可起上天鑒汝真誠為延汝父算一紀父疾果瘳迨癸丑父卒果符其夢

陳達道

字礎霞自少篤孝遭鳳賊之難隨父出避兵常以身捍父年十五父沒勵節讀

書事毋董氏曲盡孝謹母病嘗糞嘗藥焚香告天請以身代已卯以拔貢應秋試將放榜風雷大作當事震恐疑有遺賢乃於落卷中拔置達道第一人咸謂孝感所至歷官貴州憲副以孝行旌表至再鄉黨咸推

○祿豐縣

明

唐文炳

唐文蔚

正德六年父銓母關氏相繼卒時文炳年十四文蔚年十一兄弟廬墓三年刺血和泥塑親像祀之文蔚祀兄如父嘉靖三十五年巡按劉涇上其事詔旌表

張鳳翽

嫡母病患疽翽吮之得愈值兵亂肩刃救父事聞給冠帶旌表其門

○昆陽州

明

杜惟喬

字汝遷歲貢生居父母喪哀毀盡禮廬墓三年墓前麥生九穗瓜結如斗人謂孝感所致

安如磐

字克堅以貢入太學聞父病徒步抵家比卒哀泣成禮服闋不仕歲節時祀之

李桂

萬曆甲午歲貢任河南唐縣訓導丁內艱不起清介自持孝親友弟閉戶讀書賦詩自娛絕跡公庭鄉黨推重之屢舉鄉賓年逾八十而終奉文旌獎

楊士芳

萬曆癸丑歲貢生性嚴正歷任貴州平越通判政教卓異致仕養親偕弟士葵



士蓮同居共產終身不衰暇日訓課子弟  
族黨有孤貧者力為嫁娶與鄉飲七次

李守質

性篤孝崇禎丙子歲貢任江夏訓導造  
士有聲流寇至藩撫分命守城城陷不

屈罵  
賊死

王謨

崇禎年歲貢品行端方學問純粹事母  
以孝事兄以敬隱居不仕流寇至被執

不屈  
死之

楊應時

貢生任四川仁壽縣尉天性孝友兄弟  
同居家貧祿俸不分率諸弟奉親孺慕

不懈知州石三復重其行又以其先人  
楊琮有孝友名額其門曰孝友世教

李淳

鄉賢兆旂第七子孺慕篤摯年十五隨  
父任廬江值流寇圍城父攜之守北門

城陷父罵賊死淳伏屍痛哭死  
之學道魯鑑旌之曰一門忠孝

胡郁然

廩生品行方正孝孺母流賊屠城之前  
一日母死人曰賊至矣且棄去然日母

生我而我棄之何以生為寧與母死  
葬未畢賊至被殺州人莫不哀之

譚三謨

崇禎癸卯歲貢任臨安府教授  
師範懋著流賊破城闔家盡節

李方泌

廩生性孝友崇禎末流賊臨境同婦攜  
四歲子掉舟避難賊掠船夫婦罵賊抱

子投  
水死

陳九蛟

洪文彬

蛟年九十二彬年九十一皆秉性淳良  
素相友善丁亥年流寇至滇兩人誓不

見賊相約敘  
別各自縊死

○易門縣

明

楊膚明 廩生崇禎五年蠻賊犯城被執不屈罵賊而死之

○嵩明州

明

陳大韶 字舜舉父貢士客死京師韶扶柩歸中

母死復廬墓弘治間撫按具題旌表後授嘉善司訓乞歸年八十而卒

楊坤 父卒於官扶視歸葬即廬於墓後遇賊負母而逃

楊泰宇 楊林人秉性直義於萬曆年間與省城

民言姓者貿易大理迺言染疾將故言子以不合於父斥在外言以賞八百金遺楊托其移柩歸省餘者畀楊不及其子楊以

本朝

亡貴殮殮言姓走書省城遍覓其子維榮將原金如數與之維榮感其義捐半謝楊楊堅卻不受鄉黨多稱慕之

李九標 監生少博學循禮義年十八原配妻晁氏病故標誓不再娶孤潔自守娛志詩

書為懷弟立婚娶成家凡所遺產業悉付之弟毫無所與弟亦盡禮事之處族黨間尤多

隱德年六十清操恒如一日焉

楊杞 庠生天性純樸竭力奉親值母久病杞

扶侍榻前躬嘗湯藥晝夜不倦仰天籲禱願以身代母卒復廬墓三年棲風宿露鄉

人勸歸不從因共為艸廬居之感有白犬守塚鵲巢低枝地湧甘泉之異人以為孝行所致康熙三十四年請明於各上憲准令地方

官給匾  
旌獎

雲南府志卷之第十三

人物志

列女

雲南府 昆明縣附郭

元

段功妻阿益

益梁王女也王忌段功欲鳩之益知其謀以告功不信遂遇害

益以死自矢王百計慰之竟不食死嘗作詩哀功曰吾家住在鴈門深一片閒雲到滇海

心懸明月照青天不語今三載欲隨明月到蒼山候我一生踏裏彩吐嚙吐嚙段阿

奴施宗施秀同儂反雲片波潏不見人押不蘆花顏色改肉屏獨坐細思量西山鐵立霜

瀟灑○按彝語踏裏彩錦被也吐嚕可惜也  
反我也押不蘆北地回生州也肉屏駝背也  
鐵立松林也施  
宗施秀二妓名

皇甫璇妻楊氏 桑知州妻李氏

景縣尹妻王氏 三氏俱邑人元時以貞節旌表年分失傳

明

李仁山妻楊氏 山卒時氏年十八生女未逾月翁憐之諷令更嫁楊嗚咽斷一

指曰指續可嫁竟不能強泄武間旌表

嚴士良妻吳氏 福建侯官人洪武二十二年隨夫戍滇士良卒吳年二十撫孤

守節四十餘年宣德間奏聞旌表

孫 彬妻謝氏 三吳人雲南備軍永樂初從夫戍交趾清化衛生子敬彬卒守

節久之有詔復安南國歸廣南同戍者強教  
遯海而南潛歸吳下謝聞而諭之曰汝父占  
戍籍汝私還勾牒必至自罹罪也且滇吳萬  
里浮海叵測萬一不諱而葬魚腹而父其為  
若敖之鬼乎乃與敬匿神祠中睨同戍者過  
盡循故道走間歸孀居五十餘年壽九十

魯 忠前衛千戶早卒張年二十二守節終身

李 暘妻黃氏 暘卒時黃年二十有二守節四十年奏聞旌表年分失傳

盧 英短氏 英任雲南左衛指揮卒之時短氏年十九歲守節終身

劉 潤妻趙氏 潤為後衛指揮潤卒趙誓死不二

張 翊妻胡氏 翊左衛人翊亡胡氏斷髮自誓事姑盡孝守節撫子始邁疾至

再竭誠籲天醫藥神效後以子矩貴贈

南村婦 嘉靖年間鳳克之變被驅奔竄始猶雜衆人中至南霸河自知不能免辱掩袂

投水而死竟不知為誰氏之女

閻厚妻金氏 厚為罷諸生早卒無子金年二十五號痛殞絕口鼻流血家人

將鬻續厥明復避遂竭力奉養繼姑四十餘年不怠

方圮妻曹氏 後衛人夫早卒水蘖自矢守志終身後以子貴贈夫人大學士

李東陽有可貞堂記奉旨旌其門日貞節

徐昂妻顧氏 年二十而寡撫二孤日行日言行以鄉科授合江教諭卒於官

婦鄭氏年二十有七婦姑一志相守後十年先顧死遺二孤子日麒日麟顧又為撫之年

八十餘御史孫用表其門日雙節

貞女楊氏齊姑 未嫁夫死在家守節有司旌匾二日乾坤正氣一日真心匪石

以節終身

良朝元妻郎氏 元罷諸生卒時年二十撫其遺腹一子後亦夭折郎矢志不二

紡績自給壽九十卒

廖忠妻梅氏 忠亡梅年二十有四其貧守節撫二子應合應奎俱成立

趙宣妻米氏 宣右衛人卒之時米年十九誓不二嫁時南陵伯毛福壽以征

麓川師歸在滇謀欲妾之米日善為之辭必欲相強惟有死耳卒不能奪守節五十七年

終年七十六歲屢奉旌獎

孫 宙妻浦氏 浦氏烏撒衛孝廉浦仲良女也長適孫孫為上林監丞浦從宦

京師孫卒於官二子在襁褓浦剪髮撞棺忍死扶視歸既葬守塚傍慟哭不食死於墓

楊 翺妻許氏 翺雲南府舉人卒之時楊年甫二十五誓不再嫁若節以終

楊廷詔妻謝氏 詔在百戶卒時謝年二十無子守節事姑至七旬而終

周允惠妻王氏 自二十九歲守節至九十九歲允歷六十餘年萬曆四十二年

撫按司道咸旌之

楊氏羅平姐 楊應春女年十五字三伯楊東明未嫁而東明卒女哀慟欲死以救

得免母欲改嫁不從自縊死事聞詔許祠祀今永清門內有列女坊

姜 愷妻吳氏 夫死克守其節萬曆四十五年巡按御史吳應琦以節婦具題

准建坊旌表其門

林東樸妻李氏 早年喪夫守節五十二年撫子五人皆成立

周維新妻閔氏 維新死閔年甫二十九教諸子誦讀辟纒以佐膏火苦節五十

餘年臺司旌其門後以子作樂貴封太宜人及卒巡撫周嘉謨臨其隴題貞節二字勒石

王 宓妻時氏 宓病篤時以後事囑時氏氏誓死相從及宓卒時年二十四勤

事舅姑撫育幼女荼苦自甘後翁姑相繼亡女已成入遣嫁畢即自縊死以踐夫未亡時自誓之言

奉題旌獎

竇康續妻謝氏 夫死時年二十九歲勵志守節允歷五十五年教子雙桂成名

院司旌獎

董紹舒妻郭氏

年三十而夫卒郭矢志靡他孝事雙姑苦守三十餘年有司旌

日節

張 翽妻胡氏

翽家計甚貧亡遺二孤瀟然四壁胡不以此易節七十而終

劉體仁妻孟氏

仁任保寧府判卒於官孟匍匐間關扶視歸里紡績以供諸子

勤訓課使讀書聲與機杼相聞發後六子相繼以科第振起文徵順徵信徵其最著者也

鄉黨莫不賢之後封安人

王 俟妻段氏

嫁七年而俟亡子萬年在襁褓養姑教子守節三十餘年

陶希哲妻祿氏

夫亡時祿年二十六歲栢舟自矢以紡績撫養二子成人守節

五十餘年 壽八十終

張 翎妻朱氏

年二十一而寡守節勤苦持家嚴肅事翁姑備盡孝道崇禎十

七年撫院題請入節婦祠

陳爰諏妻王氏

諷死於任王扶視歸里道遇安賊之變罵賊而死年甫十七崇

禎丁丑履忠成進士具疏陳請建坊旌表

王重光妻段氏

光卒段堅守其節舅姑亡鬻產以葬督二子力學每至夜分不

倦崇禎年間旌表入節婦祠

艾龍光妻簡氏

龍光病篤簡百法醫療無效竟卒簡事姑盡孝守節四十年巡

按題請入祀節婦祠

魏 昇妻

姓氏失傳自幼許聘未嫁會昇以罪戍騰衝女意欲偕往然不敢言其父

毋欲別嫁之女乃潛製一布袋屆期赴水邊  
用袋盛身向內自束其口投入水中覓之不  
得姻家將訟屍尋浮  
出漁者見之事乃明

秦

春妻王氏

夫亡時王年二十二歲家計奇  
窘王矢志不二守節三十三年

督學蔡雲程聞於臺院屢  
加旌焉壽六十五歲卒

吳

鑰妻戴氏

自二十七歲守節紡  
績自給茹苦終身

李光憲妻張氏

夫亡遺孤襁褓舅姑在堂張年  
時二十四矢死不二孝姑撫子

守節四  
十餘年

劉

悌妻常氏

夫卒時遺孤甫三月常年二十  
六誓不改節以女紅自給名其

子曰大節後成立為諸生聚嚴氏節尋卒家  
道益替嚴其貧守節克撫其子中庚午鄉試

鄉人稱為  
雙節云

沈國英妻孫氏

其翁沈朝惠早亡惟孀姑張氏  
在堂國英與孫奉事惟謹俄國

英又卒孫茹苦守節撫幼子林成立孀居六  
十年八十四歲而卒其姑張氏亦孀居六十

五年九十三歲而卒  
雙節繼美鄉里稱之

吳承祚妻繆氏

夫死無子其貧守  
志垂五十餘年

封錫屢妻王氏

錫屢萬曆癸卯鄉薦任浙江壽  
昌令卒於官王年三十二子皆

幼扶襯歸家其貧課子後二子  
皆成名守節三十七年而卒

羅必舉妻張氏

夫亡時張年二十家甚窘堅貞  
守節撫幼子羅緯成人年七十

三歲  
而終



杜从徵妻白氏

年二十二夫亡遺子連甫二歲白守節撫孤廉年十九亦故白

大慟日我所以未亡者為有杜氏遺孤耳今子死我生何為三日不食自縊死

方袍妻俞氏

年三十夫亡遺子孤幼家徒壁立女工自給夜僅一燈供紡績

四子環燈讀書俞察其勤惰督訓之守節多年後四子皆成名司道府屢旌獎之

劉傑妻吳氏

幼嫻內則夫任北直河間府學博卒於官氏年甫二十八扶襯

歸葬祭如禮訓子女成立守節六十三年壽九十一而卒

李潔妻楊氏

年二十夫卒生遺腹子士標矢志不二訓子成名事毋極孝人

以為節烈之報院道旌之

李文徵妻熊氏

夫亡時熊年二十五歲苦志守節撫幼子成人壽六十七而終

見孫二輩矣

吳詔妻張氏

詔右衛人亡時氏年二十六事舅姑撫三子始終不渝其節

嚴清妻施氏

光祿少卿昱之女屢封夫人端淑整潔樸素無華理門內之政

子弟僮僕肅然憚之年八十卒家教靡馳一如公之存也

李克明妻楊氏

百戶楊某之女賦性賢淑自歸克明善事舅姑周恤親黨無忝

婦道夫亡楊甫三十即堅志守節至七十一歲訓子向陽茂陽皆成立向陽嘉靖癸卯舉

人茂陽嘉靖甲午舉人鄉司徒即劉虛湖司空即葉兩湖太史楊升菴觀察張肖甫皆有

贈詩

金應斗妻張氏

賦性端嚴緘默貞靜不輕舉笑賦性端嚴緘默貞靜不輕舉笑

四子皆成名守孀四十五年至順治戊戌年

大師入滇流寇潰兵肆掠同闔家避兵于羅畝

之黃毛箐氏謂諸媳孫媳曰萬一寇至我年

已七十死亦何憾汝輩稍一受辱貽羞家世

可援崖少避我率家人嬭女在此勿以我為

念也諸媳等泣拜而去不一時潰兵至氏厲

聲罵賊曰我家世受國恩爾毛賊欲害我耶

死亦不怨即奮身投羅畝河而

死諸媳諸孫媳皆得保全焉

楊達儁妻楊氏 順治丁亥年聞流寇到滇即與

女為盡節計繳線為繩二一授

其女一佩于身時刻以死自誓

後兵至省竟同女扃戶自縊

熊卜尚妻梁氏 順治丁亥尚病故梁年二十二

守節四十餘年績紡度日貞白

不渝教訓孤子成人事孀姑而盡

禮備歷艱辛已經申詳請旌在案

沐天波母陳氏 乙酉沙逆之變士民奉陳氏至

朝陽庵避賊陳氏聞其媳焦氏自

焚笑曰若能如此

無憂矣亦自焚死

沐天波妻焦氏 焦江南人乙酉年沙逆變

金井庵避之其姑陳氏遣人問計於焦氏曰

吾家累世重臣身為命婦當死宗廟遂舉火

自焚時幼女在旁見烈

焰起懼甚焦強抱同死

沐天波女瑞貞 貞甫十齡許配劉文秀子劉

痘瘍天波謂女曰汝婿死矣我

將往弔及至劉文秀第家人馳

報瑞貞自縊遂與秀子合葬

完嗣昌妻太氏 聘而未聚昌病篤往奉湯藥不

三日而昌卒太年甫十六守制

不回母家事翁姑二十餘年後翁姑卒祭葬

以禮完門無嗣乃依姪太運昌運和紡績自

給玉潔冰清不履外庭苦節六十六年壽八十二而終

常

禎妻沈氏

性貞靜勤儉事其姑以孝稱禎疾五載凡飲食藥餌無不備歷

辛苦及禎卒竭力持家訓四子諸孫俱皆成立飲冰茹苦閱三十八年如一日

施于身妻嚴氏

於崇禎丙子年適施甫七月施以公車赴禮闈不第除仙居令

值流寇猖獗道路阻絕嚴笑笑獨處率諸婢針黹以養翁姑逮汝會陷滇翁姑相繼以歿嚴拮据殯葬後為夫弟婚冠授以家事時兵戈槍攘恐不能自全屢以死計因婢防視得免後至辛丑年于身始歸感其貞烈敬而禮之以壽終

毛從讓妻劉氏

讓平時劉年二十四歲清苦自甘矢志靡他撫孤子毛義成立

娶媳魏氏未幾義亦蚤故遺孫瑀甫一歲劉與魏多方撫之保有毛嗣壽七十一而終

毛 義妻魏氏

年一十八歲義故遺孤毛瑀甫一歲人以爲魏少難於劉劉察

其意無他也魏聞而嘆曰吾姑不忍負吾舅而守吾夫吾豈獨棄吾夫耶誓死孀居以成姑志事姑倍謹一門雙節當時稱之

本朝

李 恪妻楊氏

順治丁亥年避兵曹溪石硯遇賊搜掠投崖而死

吳國慶妻閔氏

慶死閔年二十三撫子成立守節五十三年丁亥流賊入滇氏

罵賊投井死

施堯心妻龍氏

戶部郎合川龍公孫女也歸施七年而寡順治丁亥四月流寇

入滇龍與媳蔡氏金氏孫媳朱氏女金妹孫女海長闔門自縊又有前妻女劉門施氏姪

女周門施氏段門施氏姪婦傅氏皆同時自縊死人稱施氏十烈

嚴賓妻徐氏 恭肅公清季媳也年六十四流

訓之日吾家世受國恩今賊至死得所矣遂舉火自焚隣里救至止之不得已乃與諸婦女別徙一室相繼投縋其時死者為長媳白

氏王氏次媳羅氏季媳施氏孫女萬門嚴氏張門嚴氏女李門嚴氏幼孫女壽貞二妹姪

婦韓氏姪孫婦何氏姪孫女淑貞表姪孫婦胡氏時有長孫媳任氏在母家聞信亦自縊

時小窰村佃民楊思義妻陳氏聞田主嚴門闖家盡節夫婦亦投井而死至戊戌之變嚴

敏培妻丁氏避難北山聞敏培被擄復自縊其繼姑張氏女錫慶嚴恕培女大妹又相繼

自縊十二年間兩番死節者一門共十九人

黃之龍妻唐氏 沙會叛夫婦移居官渡丁亥流寇入滇之龍以事往省阻於道

氏盼望至晚未回慮有辱身之禍遂自經之龍感其節亦薙髮而歸諸釋氏焉

陳履蘊妻劉氏 世亂家貧夫婦傭工自給雖流

履蘊病篤氏哀毀痛切告助隣里哭禱於天夫死亦自縊

薛之蕃妻楊氏 歲丁亥流寇入滇氏與之蕃泣

別從容就義有二女年俱及笄與其女俱自縊死之蕃亦終身不聚

趙廷壁妻黃氏 歲丁亥流寇陷曲靖氏有妹適

氏聞訃泣日吾妹見賊而後死何若先死之為愈乎遂自縊

何誥妻王氏 許聘而未嫁順治戊戌十二月

與姑妯避亂於石壁村適潰兵至氏墮入深嚴得免及己亥元日泣別翁姑閉門自縊

徐 大妻竇氏 順治戊戌潰兵肆掠與其子徐學中女徐大姐一門自焚而死

范立朝妻王氏 順治丁亥流寇入滇王與孫女性存慷慨賦詩投菱角塘而死

丁炳南妻金氏 順治戊戌春同弟丁炳南妻任氏小姑丁氏避兵於北山羅母

之五道河聞潰兵將至俱自縊死

金應麟妻朱氏 順治戊戌兵變隨母避兵投昆明池死土人哀之瘞於高嶢山

單允若妻李氏 順治丁亥流寇至李投板灞河死

羅 綺妻張氏妹羅氏 戊戌潰賊肆掠俱避兵於羅家營勢漸急俱不能保對夫曰人生各節所關重有一失雖生猶死子能體志翁姑亦如我生遂與妹縊亡

葉凌雲妻楊氏 戊戌潰賊肆掠恐被執受辱於暮夜自縊死凌雲倉卒焚屋骸

骨俱化其心獨存鄰里以為異

熊 才妻司氏

張 耀妻李氏 熊與張姻家也戊戌十二月兵變熊妻司氏張妻李氏約同死

節從容拜告天地祖宗互相酬酢各抱幼兒女共投南壩開塘死

楊順成妻舒氏 戊戌兵變人心倉皇氏慮有不則乃以毒物塗身仍剪髮垢面

自炙成瘡為隣婦所嫉許其患處非瘡遂被執抗節不辱於是夜自縊死

沈應蛟妻胡氏 戊戌潰兵肆掠告夫曰婦人值此兵亂之際豈能再生君請自

避毋過為我慮也遂自縊死

高遇說妻何氏 賦性貞烈克盡婦道戊戌兵變泣拜翁姑日婦生恐失身死慮

失養幸有夫在可無憂也翁姑泣慰之不聽遂潛閉一室與姻家黃氏姊妹高氏同縊死

徐盛妻郗氏 順治丁亥流寇至自縊而死女徐氏聞之亦投雲津橋河而死

何一貞妻符氏 年三十歲夫故遺伯仲季三子皆幼符紡績自給苦志哺養未幾伯仲皆亡僅存季子何惠親族恐不能守每以言探之符號血自誓撫惠成立守五十六年鄉鄰罕識其面者

李祚昌妻謝氏 順治戊戌年十二月內被潰兵燒打其夫厲聲罵賊賊欲殺之

轉身閉門自縊死

張翹妻周氏 孀居二十六年於順治戊戌十一月內見潰兵肆掠周恐為賊

所辱投井死之

胡汝英妻孫氏 英故時年三十歲長子尚幼次汝命在天我將與汝父同死親鄰強勸方起食事親克孝撫二子成立年八十二終

周祚興妻楊氏 事翁姑以孝倡隨有禮戊戌潰兵四掠避亂於石壁村氏年方

少且懷孕謂祚興曰事急矣妾懼不免願以一死釋君累祚興泣曰爾一死則殞二命盍避之氏曰妾固知其必不能免也奚避為遂潛至內室自縊死其弟婦楊氏姪婦高氏亦同時自縊死康熙丙午士民呈請旌獎

朱鼎妻張氏 戊戌之變與其如朱霞妻寇氏避兵於官渡木龍村聞兵將至

遂同寇氏左右各縊死

任允升妻趙氏 歸三月值戊戌之亂避兵於羅

能免遂與長妯薛氏次妯瞿氏二姑任氏次  
姑黑姑姪女大妹及使女二人俱投水而死  
今栗澤河頭土人鑄碣識之  
曰任氏一門八女死節處

### 楊三畏妻陸氏

### 楊偉秀妻汪氏

戊戌兵潰同避於複壁中覺而  
被執賊窺二婦皆少艾欲掠之  
氏結之曰姑緩我櫛沐同去好賊喜  
不忍逼二人乘間抱幼子投井死

### 山 崙妻趙氏

順治戊戌冬潰兵肆掠人皆逃  
避氏獨矢死不去及聞警遂與  
媳王氏幼女山二姐三姐孀姊沈氏姪女山  
氏幼姪女山二姐姑姊山氏表姪女徐大姐  
暨同居婦楊氏同縊於  
一室里人稱十節焉

### 戴立禮妻孫氏

戊戌冬潰兵肆掠自縊  
於省城之城隍廟前

### 顏 綸妻王氏

順治十五年十二月潰兵搶掠  
氏與綸決曰男子失節尚且污  
名况婦人乎好保護三子無  
為我憂也言訖自縊而死

### 白應科妾馬氏

陝西漢中府人賦質幽明操志  
貞潔康熙二十二年應科任雲  
南按察使馬隨之官時應科遭疾危篤馬親  
嘗湯藥衣不解帶矢志相殉及科卒哀痛益  
切拒食投繯而死時年二十二歲當事詳  
表其節無名氏有詩弔之詩載藝文志

### 傅景明妻唐氏

夫卒唐年十八守節五十六年  
孝事孀姑撫子及孫拮据甚苦

康熙三十年具  
題旌表

### ○富民縣

明

許純臣妻謝氏

賦性端潔善事翁姑值戊戌潰兵搶掠謝慮不免以節自矢泣謂子曰好從爾父吾不能復顧矣言訖自刃而死太史董訥按察使許纘曾以詩弔之

○宜良縣

明

嚴可富妻高氏

夫卒時高年二十七歲堅貞自矢勤女紅以給諸子一日墓祭歸途拾銀八十餘金訪其人還之其子鎮聚妻汪氏鎮亦早卒汪撫遺腹子容矢志如姑鄉人稱為嚴氏雙壁大學士李東陽作傳謝遷作記巡撫王啓作贊以美之後容與二子俱中鄉試人以爲貞節之報

李華妻王氏

少通孝經列傳年二十一歲而夫亡生子甫三月各之日節勉

以課讀守節五十餘年子亦奮志得仕

陳永川妻陳氏

年十七歲夫卒守節訓子成立年八十五而終

○羅次縣

明

幸際時妻張氏

孝事翁姑姑疾備盡辛苦割股救之天啓間按院旌獎

○晉寧州

晉

李秀

寧州刺史李毅女時寧州歲饑五苓葬反圍州城毅適病卒人以秀明達有父風推領州事秀獎勵戰士嬰城固守城中糧盡炙鼠拔草而食伺賊稍怠出擊破之



王 綸妻史氏 綸亡史年二十誓不改嫁奏聞旌表

趙 翰妻段氏 年十八歸翰二十翰亡截髮守志撫孤養親勒碑夫墓豫刻已

姓以表同穴孀居五十八載當事題准部覆云綱常風凜貞性天成青年勒同穴之石志已不在人間皓首堅斷髮之盟歿亦何漸地下芳名不朽彝典有光奉旨旌表

胡道明妻王氏 夫亡時王年十九家貧無子矢志堅貞孝養舅姑以壽終守節

六十六年題奉旌表准入祠祀

唐 鋤妻陳氏 夫卒陳年十九家貧無嗣姑諷以改節陳泣涕如雨姑病親嘗

湯藥雖親戚不輕出見如是者六十年撫院旌之

蕭必達妻任氏 夫亡家貧未能舉喪子雲龍甫一歲姑年七十任年十六紡績

為生越二年姑亡兩喪在堂勉治喪事苦節五十餘年撫子成立後受旌獎

李名奕妻蕪氏 奕故蕪年二十五堅志自守紡績以養翁姑撫二幼子成立艱

苦四十九年婦道母道益稱無愧當事旌表

凌 懋妻孫氏 夫亡有巨家慕其賢競謀委禽孫號泣截法竟不能奪奉旌表

瞿 鸞妻孫氏 順治丁亥孫同夫避兵晉寧遇流寇潰兵相逼罵賊死人哀之

蘇 政妻段氏 夫亡時段年二十一姑慮其少不能守欲奪之段潛入暗室斷

髮自縊姑覺而救之自是閉戶食女紅之力以養其姑號泣喪明

楊世泰妻段氏 泰卒段年二十二誓不再嫁孝事舅姑撫遺腹子成立

楊大詔妻孟氏

夫卒無子孟年十九矢志堅貞孝養翁姑守節五十餘年卒

段法妻劉氏

夫卒時劉年二十八苦志守節當事旌獎內有克孝八旬之姑

善撫二齡之子嚴霜松操白日丹心之語年六十三卒

○呈貢縣

明

李志恭妻王氏

生二子皆幼恭疾王誓不相負後有見其貧甚以言微諷之者

王泣曰吾與二子相為存亡耳子皆成立奏聞旌表

李大倫妻劉氏

夫卒無子堅志守節撫幼姪延馨舉經魁任知府萬曆四年奏

聞誥贈旌表

繆汝恩妻張氏

恩以公車卒於京張守節自誓養親撫孤以壽終事聞旌表

張淑顏妻蔣氏

舊歸化人年十八歸淑顏四月顏亡奉侍翁姑誓不再嫁

黃大才妻夏氏

舊歸化人夫死守節孝事翁如夫存時

李孟祥妻文氏

年十八夫亡子軫甫數月文事舅

變而軫又卒復撫弱孫瑞麟成立守節六十二年壽八十而卒

本朝

張夔龍妻趙氏

順治己亥年與其女張氏八妹九妹驄妹孫女曲詔幼媳章氏

同避亂於石洞為亂兵所得氏顧其女媳曰財物盡矣夫與子受拷恐辱及其身不如一死以謝於是女與媳環拜其姑相對而縊氏即觸柱嘔血自盡

○安寧州

明

趙文秀妻楊氏 夫亡教子志操 無替事聞旌表

王璽妻李氏 年十九而夫喪伏棺哀痛欲殉 以死母武氏知有遺腹以續嗣

事曉之乃悟茹蔬斷腥每食必薦主後雖生 女不以易也歷四十年終萬曆十五年題表

陳孟章妻田氏 遺有子女田視如親生及章故 田年二十有一號呼欲絕刺面毀形敬事若

翁撫育子女寡居四十年不易初志萬曆三 十一年題

請旌表

趙芭女淑姐 女年十四許聘未歸因鳳賊之 亂慷慨自誓以衣蔽面投水死

具題建坊旌表

楊昭妻彭氏 順治戊戌年聞潰兵肆掠氏按 河而死時年三十六州守立扁

之旌

孟之功妻郎氏 順治戊戌年有潰兵入宅氏越 墻投水死年二十六州守旌之

許廷議妻孫氏 順治戊戌潰兵西遁氏夜避廟 中次日負二子出不見其夫置

子於地投入水塘夫竟不知其所在祝天尋 覓九日後屍始浮出州守旌曰節砥中流

楊大爵妻張氏 夫死無子苦志守節寡居 三十八年而歿與夫合葬

羅天文妻洪氏 順治丁亥年聞沙逆叛氏即 以 利刃藏身後為那酋馬提調所

獲文遂巡踵其後賊欲兵之洪給之曰此非 我夫也將入賊門洪大聲逞囑其夫曰君放

心歸吾必不負君也遂出所佩刀自刎  
死州守張斐然親祭其塚立碑旌之

羅肇龍妻楊氏 昆明楊達僑女母楊氏聞流寇

至氏即將母所授之繩同母  
局戶自縊至今與母合葬焉

張維樞女張氏 年甫二十一於順治丁亥年流

獲欲污之氏寧死不  
從賊怒刺死於岩下

尹 弼妻楊氏 順治丁亥年賊入其室強逼之

奔出投房右  
水塘而死

陳 瑞妻施氏 瑞以舉人於康熙五年間任元

据迎櫬以歸喪葬盡禮年甫二十五立志守  
節茹蘗飲水迄今三十五年撫子若孫皆有

一人高其節義  
州申報旌獎

陳應賢妻董氏 夫亡子幼家貧董紡績易食茹

庚辰年具  
題旌表

楊思恭妻傅氏 氏九章女也年二十七夫卒欲

凡歷五十六  
歲始終如一

楊宗魯妻陳氏 陳即傅氏媳也年二十四夫亡

四十餘年  
與姑比美

朱敬脩妻孔氏 年二十五而夫故栢舟自誓撫兩

三終後以子  
貴贈宜人

趙宇妻楊氏

宇卒楊年二十四誓不再嫁守節四十五年六十九歲終

李焯元妻陳氏

元病篤時陳年二十七告天割股醫禱備至願以身代及及誓

不再嫁年八十餘而卒

謝滌妻朱氏

年二十六滌故堅心守節僅一子為兵所掠立任續嗣孝事孀

姑養生送死喪葬以禮年六十二卒鄉里欽之

○祿豐縣

明

王衢妻陳氏

夫卒陳年甫十六伯叔憐其無子欲奪其志陳赴水死賴鄰婦

朱氏救免終身守節奏聞旌表

王氏

夫名失傳早歲食貧守節孝事翁姑葬翁姑畢縊死墓前事聞於朝詔建貞節

坊旌之

王業元妻許氏

早年喪夫孤潔自勵鳳賊叛恐為所逼先自刎死詔賜配享忠

烈祠

周氏

周天昌女賦性貞烈年十五未字順治丁亥聞沙賊叛恐為所獲遂閉門自縊

而死

彭氏

夫名失傳年十六夫亡守節孀居隣里罕見其面順治戊子賊兵肆掠恐為所

逼投河而死

李芸妻劉氏

年三十六歲夫亡遺孤惟恭及桐家無倚靠劉典釵茹藥守志

不移遇荒年採棠花薇蕨糊口守節五十年  
長子惟恭次子桐皆有成立鄉里高其義請  
于當事旌之

呂啟貴妻李氏年三十二夫亡堅貞自矢撫四  
子成立守節四十年鄉黨稱之

公舉旌獎

潘元妻李氏年十六歸元奉姑張氏惟謹元  
卒李年二十六撫侄為子成名

守節三十六年人言無間

本朝

王錫衮妾尚氏弟婦宋氏明侍郎王錫衮與衮  
弟妻宋氏順治丁亥

年因衮死沙賊之難  
恐受污俱自縊而死

王氏早歲孀居家貧苦守事翁姑以孝名凡  
歷三十餘年絕無塵玷公姑葬畢即自

縊墓前事聞詔建貞  
節坊後燬夫名失傳

王業元妻許氏早年喪夫孤潔自勵鳳賊之難  
恐為逼辱先自刎死奏聞詔賜

配享忠節祠

本朝

王錫衮妾尚氏弟婦宋氏明侍郎王錫衮與衮  
弟妻宋氏順治丁亥

年因衮死沙賊之難  
恐受污俱自縊而死

○昆陽州

明

陳

梁妻劉氏

梁卒時劉年二十二二人欲奪其志劉誓死不從竭力以事翁姑

撫幼子成力年逾八十  
萬曆間臺司旌日節壽

李舜耕女李氏

性敏篤孝父疾危氏識藥按脉調治衣不解帶食不遑味設香

顛天求以身代父愈州  
守王樸表其名曰孝懿

洪銳妻李氏

夫卒誓不再適自二十六歲守節七十年壽九十五終

李世馨妻耿氏

性淳厚端莊馨歿耿年二十三斷髮入棺勒各共矢志不移

守節終身  
有司旌之

吳英妻陳氏

英歿陳年二十一一家貧苦節撫二子成立孀居六十餘年壽九

十終州守奉  
文建祠旌之

高甫妻趙氏

夫亡時趙年甫二十餘矢志守節斃居撫孤潔清自勵歷四十

年如一日卒後臺司奏祀  
於祠知州陳萼為詩以記

傅爵妻姜氏

年二十而寡撫其子以任教以義方後子成立士民自於臺司

表揚

劉奇東妻任氏

夫亡家貧甚任氏時年二十七紡績教子誓不再適壽八十六

終有司旌之  
日甘貧守節

楊體純妻李氏

夫亡遺子甫三歲李撫之成人事舅姑不怠自二十五歲守節

凡四十五年  
壽七十終

楊士葵妻洪氏

夫歿時洪年二十八其貧紡績訓二子逢堯逢元成立年七十

一終停柩於家鄰右回祿火燄  
及柩而止人以爲節孝之應

本朝

邗 淑妻李氏 淑殿守節順治丁亥  
年流賊至赴火死

胡彬然妻王氏 順治丁亥年流寇抄船氏被執  
殲首流血殞水死後三日夫尋

屍忽湧出顏色如生彬然痛其節  
義不再聚壽今八十九歲猶存

徐 英妻段氏 英爲邑庠生卒之時段年二十  
有九柏舟自矢撫孤子徐純一

成人後遊泮食廩餼勤苦不替守節五十一  
年壽八十而卒其子純一篤孝訓子五人成

名鄉人  
欽之

王養正妻洪氏 洪年二十一夫亡有遺腹五月  
洪誓不他適生子各順天撫育

題旌表 成立守節四十七年康熙二十四年具

王順天妻楊氏 少適順天孝孀姑洪氏甚謹生  
二子年二十五歲夫歿效姑守

節訓子來賓入泮州人稱爲世貞守節三十  
二年卒康熙二十四年具

題旌表

吳 然妻安氏 夫亡時安年二十九誓不再適  
撫子九德成人未幾九德亦故

幼孫惟孝甫八月安復茹苦撫之其媳朱氏  
年二十餘歲亦效姑守志州守唐之栢旌匾

曰其節  
可嘉

陳 榜妻李氏 年二十八歲夫染瘡病臥床第  
二載李嘗藥不怠仰天叩祝願

以身代既卒誓不再適日夕紡績孝養翁姑  
及翁姑歿李拮据殯葬撫孤其恕其思成立



克肖年屆六旬勤苦不替康熙三十二年督學道孫起綸旌匾曰苦節守貞本府張毓碧旌匾曰松筠懿表州守蔣廷銓旌匾曰含貞隱曜鄉人榮之

○易門縣

明

李廷聘妻楊氏

廷聘早卒氏年二十一姑老子幼氏守節奉姑訓子成立院道

旌獎有青齡失偶白首完貞辟纊養姑義方訓子五十載節凜冰霜七十年芳馨蘭蕙之語至今人傳述之

但存義妻馬氏

夫卒遺孤昌魯方在弱齡馬勵志守之教育有成以文行見推

鄉里及筮仕馬氏年已九十二矢有司恭其門曰孟門

宋廷相妻梁氏

氏年十七逾年夫亡苦志守節萬曆三十年題請建

坊旌表

瞿銳妻段氏

夫亡時段年方二十守節教子歷五十年壽七十終

張文彩妻王氏

年少喪夫堅志守節奉姑教子無異夫存歷四十餘年足不履

庭外里人無間言建坊旌表

宋足徵妻周氏

氏賦性堅貞年十九喪夫忍死撫子子亦早卒復撫幼孫苦節凡

六十餘年不替壽八十五終

毆浚妻但氏

浚亡但年十九誓不改節撫二幼子成立壽七十二終

○嵩明州

明

劉琛妻丘氏

舊楊林所人琛亡丘年二十二守志不渝撫遺腹子緒成立成

化間奏聞旌表

羅江妻李氏

江為南昌司李遘危疾李氏躬嘗湯藥割股療治竟弗愈及死

扶柩歸里哀慟喪明適有寇至焚劫一空李抱夫遺像投水毋姊救免益勵苦節嘉靖間

旌表

楊鈞妻李氏

鈞任永安守卒於官氏慟哭幾絕攜幼子扶襯歸里至廣陽堡

遇寇恐為所辱遂赴水死永安人思鈞之清高李之節烈建雙節祠於江干

鄭儒妻洪氏

儒讀書太學卒於京洪聞訃至屢縊以從姑救之得免守節廿

與姑同寢食閭不踰衣不綵督課幼子成立

孟欽妻黃氏

欽亡時氏年二十天志守節克孝舅姑遺孤半歲艱苦教育成

人守節以終鄉里稱其節義

楊友善妻劉氏

年十八夫卒劉撫其遺腹子成立事舅姑無怠志節孝兼盡里

人稱之

楊正明妻尹氏

夫卒無子舅姑在堂氏守節孝養飲水茹藥自二十一歲至七十

九苦志五十年而卒

周鳳起妻楊氏

姑陳氏遘疾割股救愈及夫卒紡績供養撫二幼子成立冰霜

苦節至六十二而卒

管宗本妻李氏 善事舅姑克順夫子夫有疾割股侍奉後夫死撫子四人俱能

成立

史書妻丁氏 性貞烈年二十三被兵掠去掠之日水漿俱不入口是夜縊死

竟無失節

本朝

蒲葉盛妻李氏 盛卒李年二十四有六旬繼姑七月幼子盛以屬之李克承夫

志茹苦守節躬事紡績奉姑教子孝謹不替後子易藩舉甲子鄉薦守節凡二十六年康熙二十九年士民公舉奉詳候

題旌獎

張弘任妻蘓氏 秉性堅貞克盡婦職姑與夫疾俱割股療治夫卒蘓年二十六

事姑孝謹撫子成名康熙二十九年士民公舉奉詳候

題旌

○宜良縣

藍彬妻萬氏 幼而喪夫苦志守節凡四十年不易其志

雲南府志卷之十三 人物志五

雲南府志卷之第十三

人物志 五

隱逸 附方技

雲南府 昆明縣附郭

宋

張俞 益州龍隱士康定中上宰相呂彞簡書請先治內而後治外其論甚正

明

郭文 字仲炳無家室買舟青草湖寢處其中嘯吼自得因號舟屋黔國公聞而造之避深蘆中不肯相見一日揮去侍從携小童幅巾斗酒移棹物色之相與論詩文縱談古

今訂為布衣交  
所著有舟屋集

倪輅 少領鄉薦授四川威遠知縣力辭不赴  
退居林下惟閉戶著書博通典故同楊

脩撰升庵編  
輯南詔野史

白先繪 賦性端方博古辨物以歲薦授廣西博  
白教諭養母不仕善治鑄三代鼎彝古

器富家以多金求之竟不可得人常以詩畫  
相易卜築於陸山之麓年八十五而卒至今

猶相傳有白  
爐康硯之名

熊之龍 字振潛少穎異卓犖有大志崇禎丙子  
以歲薦入京考授知縣忽發嘆曰世亂

親老何以仕為力辭歸養築別業居之娛親  
外則好歌吼陶然山水與一二野老問答言

及時事輒托以醉少頃復起狂飲三十餘年  
若不知身處何代有所著述輒焚去今不傳

康誥 嘗著破靴人稱康破靴無妻子獨處一  
室好讀書性嗜酒有招之飲者輒至予

以錢米不授善洞簫書注祝允明君嘗以王  
屑和泥置袖中團弄陶作硯堅潤類未央銅

雀人名康硯然亦不多作間為一二以貽親  
識至貴介求之則不可得好事者日與之飲

乘醉索之或伺其窘急出質則得之質必故  
交或交人高士若富家大族雖購以重價不

授也丁亥歲饑貧  
甚一夕飽食卒

陶庚 別號星予嘉靖丁酉鄉舉仕至承天府  
判歸田卜築西寺之右日望西山吟哦

而已屏跡城市自老無求太守鐘公造門請  
為鄉飲大賓辭不獲乃入城隨拜親識然非

其志也因作詩云可笑彝門老賓客  
等閑卻上信陵車從此遂不復出

全燧 昆明貢士性穎篤力經學註太易微言  
郡邑俊秀咸宗之樂道不仕訓子有成

張戩 郡廩生讀書不仕按院觀風作五經藝  
考通省第一布政郅公延教社學生徒

畢集因久雨墻傾戩同妻杜氏皆斃而懷抱  
三歲子尚活郅公育之有成善人宜有後矣

楊惟峻 字竹林博聞強記工舉子業值沙逆變  
喟然曰可以隱矣遂絕意仕進居南郭

有地數畝種竹千竿構室棲心足不履市嘗  
自題曰性骨前身香案吏頭顱半世竹林園

年四十妻亡不娶終日危坐無情容賓客至  
者寒溫之外無一言年七十餘猶手不釋卷

張其恭 字安甫以孝廉仕為縣令免官歸隱於  
北郊岡頭村足不履成市躬耕以終

楊文林 字質可以端方範後學夫婦相敬如賓  
人以梁孟日之每日脩身齊家四字學

者於此關甚是難透明末以歲貢例授學  
正暨辭不出平生不飲酒喜與王玉振遊

郭之建 字用皇以明經授馬龍學正辭職歸林  
每以詩酒自適尤工於書類黃慎軒手

筆清士多宗之晚卜居近華村  
之棕樹園年八十無病而逝

周文郁 庠生得五雲淳厚之氣為多士林無不  
服其義晚年失聰貢試之日為副所給

學使以副言問之郁但唯唯  
遂為所得及覺之亦無競也

王琦 字玉振來儀子博學能文尤工於字及  
艾殉難隱居安寧山中以詩酒日放問

至城市人竟邀之日有酒即往每醉後索筆  
作書淋漓道勁類李北海童穉皆知其名

張炳奎 號喬星性隱居受徒學者宗之貧樂志以終  
隱居受徒學者宗之貧樂志以終

丁焜南 字彥冲器質端潔寡言笑博極羣籍嘗  
謂聖賢理學惟敬惟靜久之自有真得

日惟閉戶讀書正襟危坐與兄  
弟相師友終其身不欲以名著

孫光豫 字懷鳩清愍公之孫也博洽儒書兼精  
岐黃深得仲景之秘明末授太醫院院

判尋解職隱居專心利濟凡治病無論貧富一體視之未嘗計利族黨中有婚喪疾苦者必竭力捐助施仁好義終始不渝逾後年九十二歲無疾而終

○富民縣

明

陳大華

號雲剛嘉靖己酉副榜應隆慶戊辰歲貢授四川瀘州訓導甫蒞任即辭職歸

田躬耕課子撫按屢招之不就不就表其門日留餘清隱

○官良縣

明

李佩

字王帛性恬退雅好詩酒服官兩月即拂衣歸田與名流為山林之隱

鄭重 字芳彥博洽經史尤長於易數授黑井教諭聞流寇至奮然解組窟居吟咏足跡不履城市人謂其有古逸士風

○羅次縣無

○晉寧州

明

朱幾

字和齋隱居樂道嘗有詩日林泉深處占清幽竹杖綸巾六十秋醉裏有詩酬

草木枕邊無夢到公侯牙籤插架因兒買樽酒芻藜為客留一自騎鯨蓬島去年年風雨使人愁

邵忠

賦性高雅遯跡丘園好吟咏有昏夜向來曾化盜清溪老去尙流觴之句年八

十餘卒學士  
劉翊輓之

本朝

唐

泰

字大來少時曾遊陳繼儒輩其昌之門  
書畫皆臻其妙及歸放情山水巡撫錢  
士晉稱為雲中一鶴御史李一鵬以南中高  
士許之晚年隱於僧別號擔當所著有擔使  
集者

○呈貢縣

明

殷

才

字育之成化十七年遊北雍雅有匡時  
之志屢上書言時事如建堡以免鄉夫  
之勞減賦以避沁田之困皆其條議迨歸絕  
意仕進躬耕自適直指使趙璧同舍生也嘗

葉

仲

字汝南居髒南郭外周矩魯純奉為趨  
步一言動不苟邑人多所瞻式後以貢  
歷蘄州學正歸隱居故  
廬不輕出年八十餘終

○安寧州

明

張

維

天順間人操行高潔端謹持身每於日  
用處體認天理隱居讀書該通六藝時  
人稱楊林有蘭安寧有

楊廷光

性淳簡寡交遊工文字登萬曆癸卯賢  
書不願仕進肅咏山水間以詩酒終老

陳所有

字惟虛靜誠先生後裔也性端介寡言  
笑弱冠舉茂才下惟攻苦博洽淹貫尤



精於春秋一時知名士多出其門閉戶著書窮居自樂生平卓行人以方之靜誠云

曾

號無咎學博才贍尤工詩古文詞屢舉

○祿豐縣

明

王勸士

性愷惻好施濟為儒生時條陳地方利弊當事頗嘉納之萬曆中以明經授劍川司訓不起隱居教子林泉自娛以壽終子錫袞貴贈東閣大學士

○昆陽州

明

李尚文

字文仲博學能文徜徉山水嘗憾滇中歸教鄉人時寓省城自號醉樵居士

李為棟

字殿華萬曆丁酉選貢遊太學交當世名士學益進辭歸中庚子鄉試絕意仕進撫按屢檄促之不起卜居昆池西偏講易授徒足跡不履城市有古高士風應鄉飲大賓四次壽八十有二

羅三極

舊三泊貢生以弱冠遊泮操行端方博學間彊記凡天文醫卜諸書無不洞悉屢科不售後因沙會之變遂絕意仕進優游閭里以山水文章自娛明末補建水州學正以老疾固辭隱居自樂不與世事教子授徒以終其身

○易門縣無

○嵩明州

明

蘭

茂

字延秀冲澹簡遠不樂仕進讀書過目成誦恥為章句學返求六經究心關閩

濂洛之微欣然有得乃遍其居曰止軒以著述自娛其所為詩文皆高古有深意一時學

者宗之崇祀御賢

賈惟孝

字若曾博聞強記工詩文尤邃於醫孝親友語不樂仕進綽有古風楊升庵徐

龍灣雅重之皆贈以詩所著有剩詩閒吟藁

万技

明

黃拱斗

字文極晉寧人性穎異多讀書旁及百家技藝無不精究初以計偕遊京師遇

隱者授觀象之秘及歸每月預書雨暘風雷及地震妖異之事無不符合將卒先言其年

月日時遍別親識盡焚其書

江天水

昆明人精數學居羅漢山之蝙蝠洞每數奇中如神當沙酋未叛流寇未至時

天水預告親友曰某年某月為始此地當作戰場四十年豈可居此危險中乎遂隱而不

見莫知所終

郭寓民

字螳洲安寧人少業儒繼業醫能察標本精脉訣以意用方不執方以治病所

治輒得効人有延者昏夜必趨視藥不計置樂施與岐黃術中卓品也受冠帶榮身卒年

九十七有七

陳鳳典

河南新野人授異人傳有接骨神術流寇攜入滇呼為老神仙凡腸出骨折苟

存餘息皆能醫治甚至易骨縫腸割肌取鏃皆人所驚見者

1847  
1848  
1849  
1850